

四庫全書

集部

欽定四庫全書

集部
橘山四六卷二

詳校官庶吉士 臣翁樹培

主事 臣呂雲棟覆勘

總校官編修 臣王燕緒

校對官主事 臣陳文樞

謄錄監生 臣李清標

欽定四庫全書

橘山四六卷二

宋 李廷忠 撰

明 孫雲翼 注

謝揚州范給事舉自代并謝到任

禁涂推轂未酬一字之榮

徐亦作塗宋制延閣禁塗轂梁傳一字之褒寵踰華袞之

贈蔡謨傳山公以一字拔人

邊障剖符又借十連之重

邊邊陲障謂塞上要險之

處別築為城因置吏士而為障蔽以禦寇也漢舊儀邊

郡太守將萬騎行障蔽張湯傳行一障間高帝紀剖符

封功臣馮衍傳擢選剖符文選剖符專城白孔六帖剖

竹分符禮記王制五國以為屬十國以為連白樂天集

周以十連帥諸侯
若今之魚符也

辱知惟舊取芘益新祝此瓣香

陳后山詩

向來一瓣香敬為曾南豐諸禪開堂至第三瓣香推其
得法所自則云此一瓣香敬為某人陳后山師南豐故

云

寫之尺素切以黃鍾登廟敢云牛鐸之調同

晉書荀勗傳勗

嘗於路逢趙賈人牛鐸識其聲及掌樂音韻未調乃曰
得趙之牛鐸則調矣遂下郡國悉送牛鐸果得諧者山

谷詩牛鐸調
與黃鍾同

斷木在溝信與犧尊之文異

莊子百年之木破為犧尊

青黃而文之其斷在溝中比犧
尊於溝中之斷則美惡有間矣

誤蒙提引不使棄沉葢

特達大賢之逢非尋常流俗之比

賈誼傳彼尋常之汙漬兮注八尺曰尋倍

尋曰

平生無一日之雅

王章傳平生獄上呼囚注平生先時也谷永傳無一日之雅左

右之介注雅素也
言非宿素之交

出處有萬里之殊堂下片言薜苔相

契

左傳賈辛將適其縣見於魏子魏子曰辛來昔叔向適鄭驪茂惡欲觀叔向從使之收器者而往立於堂

下一言而善叔向將飲酒聞之曰必驪明也下執其手
以上遂如舊知詳見第六卷韓文堂下之言不書於傳
記叔向攜手以上詩邂逅相遇適我願兮又如此邂逅
何說文不期而遇也從辵解后聲酉陽雜俎王安貧武
陵記四角三角曰芰兩角曰菱芰一名水栗一名薜苔
此用薜苔對下從容皆借用草名好奇之過也宋馬永
卿嬾真子云今人尺牘中以薜苔字易邂逅字非也離
騷經云製芰荷以為衣兮王逸注云芰菱也秦人作薜
苔薜音皆苔音苟僕仕於關陝之間不聞此呼正恐王
逸別有義爾後又讀爾雅薜苔莢莞注云莢明也或云
薜也關西謂之薜苔以僕所見莢明者即今之草決明
也可治目疾蓋謂可以解去垢穢得名又爾雅云菱葳

標注云菱也今水中芟則菱自有正名不謂之解若明
矣然則解若非菱即決明初無不期而遇之義也駱賓
王啟片善經心揖仲宣於蔡席一言合道接然明於鄭
堦又堂上百里駿明無撤器之因門下三千毛遂之處
囊之

座間小異從容默窺

哥書孟嘉傳嘉少知名褚裒
有器識庾亮大會州府人士

嘉坐次甚遠裒問亮江南有孟嘉其人何在亮曰在坐
卿但自覓裒歷觀指嘉曰此君小異得無是乎亮欣然
而笑喜裒得嘉奇嘉

乃至遜持荷而弗居

野客叢書前
輩謂尚書紫

為裒所得乃益器焉
荷裒事按晉志八坐尚書荷紫以生紫為袷綴之外服
加於肩上又梁史周舍問劉杳尚書著紫荷紫竟何所
出杳曰張安世傳持橐囊也荷乃負荷之荷人讀為平
聲遂有此誤雖歐陽文忠公宋景文公有所不免僕謂
不然紫荷裒事其說已久非歐宋之誤觀唐類表有云
佩蒼玉負紫荷歐宋之語豈無自耶考之沈約宋志蕭

子顯齊志皆曰紫袷囊俗呼曰紫荷或曰負荷以行隋志曰朝服綴紫荷錄令左僕射左荷右僕射尚書右荷則是紫荷之說自晉宋以來有之

強積薪之相繼

汲黯傳陛下用羣臣如積薪耳後來者居

上野客叢書此語出於文子黠蓋引而言之積子賜切

僥踰已甚循揣奚堪

張玄晏啟

循涯積感

如某者志勤自修器乏遠用詩書政拙喜有

藻芹松竹之舊緣

文選此亦拙者之政也陽城傳催科政拙東坡詩政拙年年祈水旱

功

名事疎付諸鴻鵠蜩鳩之分定

史記燕雀安知鴻鵠之志莊子蜩與鸞鳩笑之

未為時棄亦與朝行終然苦味之莫回幸甚賞音之不

薄

文選雖實唱高猶賞爾音王荆公詩忍向時人覓賞音

同堂贊治

隋置贊治

接席論

文自非相求以道相知以心

李陵報蘇武書人相知貴相知心

未免半

信其言半疑其迹方斗州之得請

南史宋氏晚運典籤之權重宗慤為豫州

典籤每多連執慤大怒曰慤年六十得一州如斗大不能復與典籤共臨之

屬藩閫之繼開

但思龍節之光傍資臨照

周禮澤國用龍節李詩餘輝傍照人

豈料鶚書

之寵首及孱庸

孱弱也史記吾王孱王也

茲蓋伏遇某官四葉紫薇

之春

楊彪傳累世清德四葉重光通典中書之官舊矣謂之中書省自晉魏始焉後魏謂之西臺隋初改

為內史省光宅元年改為鳳閣開元元年改為紫薇省劉放傳放拜中書舍人請復古制建紫薇閣於西省岑參詩三殿花香入紫薇白樂天詩紫薇花對紫薇郎宋沈括夢溪筆談唐貞觀中勅下度支求杜若省郎以謝

鮑詩云芳洲採杜若乃責坊州貢之當時以為嗤笑至
如唐故事中書省中植紫薇花何異坊州責杜若然歷
世循之不以為非至今舍人院紫
薇閣前植紫薇花用唐故事也
十圍古栢之操杜工部古

栢行霜皮溜雨四十圍陳譙啟良王五穀
當居庭實之先大木百圍要是棟隆之吉
蓋帝傍論思

在乎昌所學

東坡詩飄然乘風來帝旁文選朝夕論思

而天下名爵豈能淫

其心直聲久洽於聽聞

張敞傳朝廷不聞直聲東坡詩直聲猶在履聲中

公望

亶隆於近輔高牙宣淮海之畧遽勇於行

兵書牙旗者將軍之精黃

帝出軍決有所攻伐作五采牙幢青牙旗引住東赤牙
旗引住南白牙旗引住西黑牙旗引住北黃牙旗引住
中孔氏雜說牙者旗也大司馬掌武備猛獸以牙為衛
故軍前大旗謂之牙旗後漢汪真人水鏡經凡軍出立

牙必令堅完若折將軍不利是以古兵法擇吉日祭牙
後漢滕輔晉袁宏顧愷之宋王誕皆有祭牙文吳胡綜
有大牙賦皆謂武備之意楊億集大旆高牙任
雄節制柳詩貔虎負崇牙尚書淮海維揚州

寶圖分

河洛之符特優其獎

青箱雜記本朝太宗御書及典籍
圖畫寶瑞之物並藏於龍圖閣東

坡謝龍圖閣學士表中禁寶儲上應
奎壁之象先朝謨訓遠同河洛之符

未嘗忘國尤更推

賢

尚書推
賢讓能

然職重而許與難道高而遇合寡獨以孤外

歐文敢期孤
外特與恩頒

獻之上前某敢不祇服華裊堅持素守寸

有長而必勉

屈原卜居尺有所短寸有所長

尋無枉以自汙未善操刀

僅可試淮陽之小壘

左傳猶未能操
刀而使剗也

若令代斲豈不愧

甘泉之從臣

老子是代大匠斷代大匠斷者希有不傷手矣揚雄傳每上甘泉法從楊億乞郡表

虛忝甘泉之從臣終作若教之餒鬼

惟務激昂

王章傳不自激昂揚雄傳激昂萬乘之主注激昂抗

揚之意以圖報稱

回黃州陳知府

得斗大之州已慙過分望寶隣之國何幸分光

左傳親仁善隣

國之寶也劉後村啟瞻羊公於峴首阻趨鈴閣之嚴依劉表於荊州竊有寶隣之幸

念都門舊忝

於從遊而邊圉今固於守護

賈誼傳守圉之臣

解裝甫定染翰

先臨

潘岳秋興賦染翰揮紙選詩朋來當染翰杜詩染翰欲無聊

恭惟某官抱負奇

才發揚令德宰天下亦如此肉矣藹聞主社之風

陳平傳里

中社平為宰分肉甚均里父老曰善陳孺子之為宰平曰嗟乎使平得宰天下亦如此肉矣酈郊傳陳平教里社終居天下宰藹多貌說文臣盡力之美詩藹藹王多吉士毛傳云藹藹猶濟濟也又叢雜貌藹顯詩聲華藹

有餘廣韻曉

藹樹繁茂貌大丈夫安事一室乎雅有清時之畧

陳蕃傳蕃

年十五常閒處一室而庭宇蕪穢薛勤來候之謂蕃曰孺子何不灑掃以待賓客曰大丈夫處世當掃除天下安事一室乎乃廉於進

韓文可以進而進焉不必廉於自進也

未究所施聊曾

借海沂之水以福京畿何獨卷泰山之雲而蘓淮服

公羊

傳觸石而出膚寸而合不崇朝而徧雨乎天下者其泰山之雲乎

建旗多暇

說文旗錯革鳥其上

所以進士衆者也爾雅錯革鳥曰旗詩既設我旗太守隼旗熊軾晉書良吏傳建旗剖竹布政宣條錢翊行李

葵制建隼在旗畫熊當軾柳詩建旗翻鷺鳥保障不驚陸倕詩宗英出建旗蕪頤詩為邦建綵旗

左傳且成孟氏之保障也史記趙簡子使尹鐸為黃岡晉陽日以為繭絲乎以為保障乎簡子曰保障哉黃岡

雨雪之樓清吟可繼黃岡山在黃州王禹偁竹樓記黃岡之地多竹竹工破之代陶瓦因

作小樓二間夏宜急雨有瀑布聲冬宜密雪有碎玉聲赤壁風月之笛勝賞猶存

赤壁山在蒲圻周瑜破曹操處山谷詩赤壁風月笛玉堂雲霧牕東坡年譜公在黃州生日置酒赤壁磯下笛

聲起於江上客有知音者謂公曰笛聲有新意非俗工也問之則進士李委聞公生日作新曲曰鶴南飛以獻

墨莊漫錄黃州赤壁本赤鼻磯故東坡長短句故壘西邊人道是三國周郎赤壁蓋傳疑也今岳陽之下嘉魚

之上上有烏林赤壁蓋公瑾自武昌列艦風帆便順沂流而上遇戰於赤壁之間也杜牧寄岳州李使君詩云烏林芳草遠赤壁健帆開

方從容逸駕之攀已迫促翹車之

聘

翹車使者車也漢勅翹車著咏箋帛垂文

其取名不勇為計甚疎貪豆區

之祿以奉親

區音歐豆區皆量名四升為豆四豆為區四區為釜左傳豆區釜鍾之數

詭尺

寸之能於試郡

京房傳臣出郡守自詭效功注詭責也孔光傳無尺寸之效

過蒙專

使寵問潛郎

山谷詩琢磨佳句問潛郎

廩渠荆渚之書賢於遠矣

漢文

紀歷身從事楊雄賦其廩至矣師古曰廩古勤字韻會渠渠勤也晉陽秋劉弘為荊州刺史每發手書郡國丁寧款密莫不感悅咸曰得劉公一紙書賢於十部從事按弘專督江淮部從事乃都督屬官先是每有興發乃

勅部從事分行所屬惟弘則以手書
徵之無擾而易集故曰賢猶勝也
健羨魯邦之政兄

以事之

韻會健通作鍵服虔曰門戶健壯也說文羨貪欲也詩無然歆羨司馬遷傳去健羨馮立與兄

野王相代為五原太守人歌之曰大馮君小馮君兄弟繼踵相因循聰明慈愛惠吏民政如魯衛德化均周公

康叔猶二君欣荷深占言罔既

賀謝右相除少保

按宋史寧宗慶元六年以謝深甫為右丞相

皇輿既返

文選皇輿凱歸又旋皇輿於夷庚又皇輿否隔又睹皇輿之軌躅

使節有光

成湯簡在帝心擢亞保衡之任

尚書惟簡在上帝之心又在太甲時則有若保

衡召公居於王右夏高孤棘之班

桓郁傳成王幼小越在襁褓周公在前史

佚在後太公在左召公在右中立在朝四聖維之元稹
教太子書成王所近皆賢聖也舉其近則周公左而召
公右伯禽魯而太公齊江統傳成王之為太子也周召
為保夔虛政切廣韻遠也增韻冠絕也周禮朝士掌外
朝之法左九棘
孤卿大夫位焉
大冊渙專
勇芳無切亦作
敷說文布也
列紳咸暢恭

惟某官道該衆美

韻會該備也

智矚萬微

韻會矚視之甚也文選流目矚巖石

探囊試活國之方

杜詩活國名公在又論道邦國活又於今國猶活

列鼎正調

元之味

彭宣傳三公鼎足承君又三公鼎司無所不統明帝紀鼎象三公環齊要畧三公者象鼎三足

共承其上晉書正位上台光祿鼎實柳文調和鼎實杜詩調和鼎鼐新

以天下之公而決

大計以儒者之勇而折遐衝

家語不出尊俎之間折衝千里之外馬融傳安不忘

危治不忘亂帝王之所以耀神武而折遐衝也馮奉世傳折衝宿將賈復傳有折衝千里之威李尋傳本強則精神折衝注言有能衝突為害者則能折挫之主睦聿隆士心允洽如高山大

岳之蓄泄雲氣人蒙其潤而不自知

韓魏公行狀公姿貌英特圖繪傳之

天下人以為如高山大岳望之其氣象雄傑而包育細微蓄泄雲雨藏奇匿怪益自然也王邁啟泰山喬嶽無運動之迹人蒙潤而不知祥風和氣以長養為心物有生而自遂若長江巨海之呼吸

川流物有所歸而無弗受

木玄虛海賦嗙呼百川洗滌淮漢郭璞江賦呼吸萬里吐

納靈

屬王家之多難

詩未堪家多難

賴元輔之宣忠

文選欽若元輔體微

知章又王宰

洛浦波平護厥儀而徑渡

廣音歆說文陳與服於庭也周

禮巾車掌大喪飭遣車遂廬之行大夫喪廬其樂器崔祐甫獨孤及墓誌廬衣楚挽徘徊墓田李華權文公墓誌廬綈納書禮優職衮李嶠文廬衣夕陳祖奠朝設宋景文真宗挽歌廬翼浮晨旭邊簫咽暝霞周平園皇祐哀書桂輪隱曜椒掖廬儀漢陵土復返吉仗以奏功孝治昭宣

戰國策大

王以孝治聞於天下呂布傳

襃章狎至

息夫躬傳羽檄重迹而狎至注

狎若狎習之狎言

一命衮服已積具瞻

王制三公一命卷若有加則賜

不過九命注三公八命復加一命則服龍衮與王者之後同多於此則賜非命服也荀勗傳三公具瞻所歸不

用非其人

五采篆車尚煩特置

周禮春官巾車服車五乘孤乘夏篆注謂五綵畫轂約也

賈增華於揆路

文選揆路揚輝台庭改觀

資弼亮於天工

尚書弼亮四世又欽

哉惟時
亮天工

今魯侯進封國之名稱豈特衍租而食

詩乃命魯公俾

侯於東錫之山川土田附庸漢書諸侯王表諸侯惟得衣食租稅不與政事宋意傳衍食他縣注衍謂流衍旁食他縣劉後村賀史丞相加恩啟非止衍戶畜之入益益隆巖石之瞻

昔孔子歸侵疆之

事業又將秉筆而書

左傳定公十年齊人來歸鄆讎龜陰田法言魯用孔子齊人章章歸

其侵

端坐泰階永為隆棟

易棟隆吉又隆棟之吉不撓乎下也高柔傳公輔之臣國

之棟梁文選上弘棟隆下塞民望

某退循苦窳

韻會窳病也又器中空史記舜陶河濱器不苦

窳

久費埏陶

韻會埏和土也老子埏埴以為器淮南子造化之攬援物也譬猶陶人之埏埴也

齒中台里之衣冠自憐生晚

晉書三公在天為三台主開德宣符上台司命主壽

中台司中主宗室下台司祿主兵所以昭德塞回也蔡
茂傳中台之位白居易詩天上中台正韓翃詩並列中

台望翹材館之劍佩徒悵身遙

杜詩劍佩聲隨玉墀步
岑參詩花迎劍佩星初

落

側耳榮除

周昌傳呂后側耳於東箱聽韻會拜官曰
除漢書注師古云凡言除者去舊官就新

官韓文除官赴闕宋彭乘墨客揮犀云除拜官職謂除
去舊籍不然也除猶易也以新易舊曰除如新舊歲之

交謂之歲除易除戎器戒不
虞以新易敝所以備不虞也

洗心善頌

檀弓晉獻文子
成室晉大夫發

焉張老曰美哉輪焉美哉奐焉歌於斯哭於斯聚國族
於斯文子曰武也得歌於斯哭於斯聚國族於斯是全

要領以從先大夫於九原也北面再拜稽首君
子謂之善頌善禱東坡詩知君善頌如張老

恃其出

造化之末

文選自項至
踵功歸造化

恐或在存記之中六摯辨儀方

仰正班朝於東面

周禮大宗伯以禽作六摯辨等諸臣

庶人執鵞工商執雞夏官射人掌國之三公孤卿大夫之位三公北面孤東面卿大夫西面其摯三公執璧孤

執皮帛卿執羔大夫執鴈

一麾假庇敢忘固封守於西邊

夢溪筆談今之守郡

謂之建麾蓋用顏延年詩誤延年謂一麾者乃指麾之麾如武王右秉白旄以麾之麾非旌麾之麾也延年阮始平詩云屢薦不入官一麾乃出守者謂山濤薦咸為吏部郎武帝不用後為荀勗一擠遂出始平延年被擠以此自託耳自杜牧之有擬把一麾江海去之句始繆用一麾遂成故事野客叢書僕考唐人詩如杜子美柳子厚許用晦獨孤及劉夢得陸龜蒙等皆用一麾事獨牧之謂把一麾為露圭角似失延年之意如張說詩湘濱擁出麾如此用則何害筆談謂今人以守郡為建麾用顏詩事自牧之始亦未然觀三國志擁麾守郡文選

建麾作牧此語在牧之前久矣謂把一麾
之誤自牧之始則可謂建麾之誤則不可
拊蹈之私染

濡莫既

賀邵中書即真兼直院

即西掖之真除

漢官儀左右曹受尚書事前世文士以中書在右因謂中書為右曹又稱西掖

劉楨贈徐幹詩誰謂相去遠隔此西掖垣唐詩太微西掖鳳池邊又西掖深沉大帝居

仍北扉之

舊直

夢溪筆談學士院名北扉者為其在浴室之南便於應詔又學士院在樞密宣徽之北表其深嚴宥

密故謂之北扉

明命初播僉言具孚竊以司獻納於雨露之邊

杜詩獻納司存雨露邊韋承慶直中書省詩恩深雨露邊

鼓號令於雷風之表

法言鼓萬

物者其雷風乎鼓萬民者其號令乎余日華啟鼓六合
芝風雷方快湧泉之思沛八紘之霖雨即膺秉國之鈞

故詞垣為文士之極任

杜佑通典唐自永淳以來天下文章道盛臺閣髦彥無不以文

章達故中書舍人為文士之極任朝廷之盛選諸官莫比焉

而翰苑稱天子之私人

唐書百官志翰林學士專掌內命凡拜免將相號令征伐皆用白麻其後選用益重而禮遇益親至號為內相又以為天子私人

古今尤難內外並掌

翰林與中書分為兩制

妙五花之

判非大手筆以安能

唐故事中書有軍國大事中書舍人各執所見雜署其名謂之五花

判事徐陵傳國家有大手筆必命陵草之王珣傳珣為桓溫掾夢人以大筆如椽與之既覺曰此當有大手筆事唐職林朝廷每有大手筆令李嶠為之劉肅大唐新語張說三秉大政掌文學之任幾三十年為文思精老

而益壯尤工大手筆善用所長又蘊
頤張說以文章顯號燕許大手筆

煥六經之麻有魚

人材而乃辨

唐翰林志中書用黃白二麻為綸命其後
翰林專掌內命中書所出獨得用黃麻其

白麻皆在北院杜詩紫誥仍兼綰黃麻似六經韓文南
陽公文章稱天下其所辟皆閤辨通敏兼人之材也周

必大啟黃麻之似六經方觀制
作洪鈞之轉一氣即預埏陶

簡在上意允屬巨公恭

惟某官學包九流

漢書叙傳劉向司籍九流以別注謂
儒道陰陽法名墨從橫雜農也王坦

之傳彌貫九流

玄同彼我蘊頤行劉幽求制學綜九流

文窮三變周必大

啟道該衆美學綜九流徐湘啟學貫

九流身

名滿六合

杜詩家聲
蓋六合

道比孟軻而過況雄為不

少

韓愈傳贊昔孟軻拒楊墨去孔子才二百年愈排二
家乃去十餘歲撥衰反正功與齊而力倍之所以過

向雄為不少矣柳文退之所敬者司馬遷揚雄遷於退之固相上下若雄者如太玄法言及四愁賦退之特未作耳作之決如恢奇

文似子長而視崔蔡豈足多

柳宗元傳

至他文過揚雄遠盛宗元才實高名蓋一時韓愈評其文曰雄深雅健似司馬子長崔蔡不足多也文選揚雄崔蔡之徒謂崔駰蔡邕也程端厚賀邵宣撫啟忠順勤勞類孔明管晏莫能過雄深雅健追太史崔蔡豈足多

渾然天粹

不琢之姿

法言天精天粹萬物作類山谷詩天球不琢中粹和

凜乎歲寒後凋之

操雖軒冕儻來非志之所樂

莊子古之所謂得志者非軒冕之謂也物之儻來寄

也故不為軒冕肆志

而舟楫大用何時而弗宜

尚書若濟大川用汝作舟楫

特

達宸旒之知穹窿朝著之望

爾雅穹蒼蒼天郭璞曰天形穹窿然馬融傳穹窿

回左傳朝有著注著定朝
內列位常處謂之表著

夾紫宸香案而立已高躡於

禁班

梁王僧辯表紫宸殿位江淹詩衍教紫宸唐六典
紫宸殿即內朝正殿也兩京記大明宮有紫宸殿

在宣政殿北即內衙正殿唐會要右補闕施敬本疏紫
宸殿者漢之前殿周之路寢唐史天子御正殿則起居
郎居左舍人居右若仗在紫宸內閣則起居舍人夾香
案分立殿下元微之詩我是玉皇香案吏謫居猶得近
蓬萊唐張鷟奏承明之有直廬方步八磚之日紫宸之
夾香案更依五朶之雲余日華啟侍玉皇而夾香案高
柱下二史之班逼華蓋而
瞻客星煥天上五雲之瑞

分金鑾燭跋之光方密承於

睿眷

六典大明宮有金鑾殿兩京記龍首山支隴起平
地上有殿名金鑾殿殿傍坡名金鑾坡會要學士

院在銀臺門內又置東翰林院於金鑾殿西五代會要
殿因金鑾坡以為名李詩著書獨立金鑾殿跋本也禮

記燭不見跋注疏本謂把處古未有蠟燭呼火炬為燭
火炬易盡則藏所然殘本唐書柳公權文宗朝為中書
舍人每召見燭見跋語猶未盡又令狐綯為翰林承旨
夜對禁中燭盡帝以乘輿金蓮花炬送還院吏望見以
為天子來及綯至皆驚唐仲友啟金蓮列炬共驚宮燭
之歸綵殿宣麻便趣沙堤之拜余日華啟北門視草燭
搖內相之金蓮西掖判

俄驚一佛之出世

楊文公談苑
太宗尤重內

外制之任嘗曰詞臣之選古今所重朕聞朝廷每除舍
人六親相賀諺曰一佛出世豈容易哉李商隱啟一佛
出世萬人所望余日華啟綸閣之對紫薇僉曰
一佛之出世翰林之通華蓋粲然五色之成文
共知四
戶之得人
齊景暢齊書永明元年熒惑入紫微時中書
通事舍人四人各注一戶謂之四戶既總重
權勢傾天下會玄象失度太史奏云宜修福
禳之太尉王儉謂帝曰天文乖忤此由四戶

增重持荷

參陪視草

淮南王傳召司馬相如等視草乃遣翰林志學士於禁中草書詔雖宸翰所揮亦資檢校

謂之

以舍人樣而見賞蓋才識之素優

職林徐堅字元固聖歷中楊再

思王方慶為東都留守引堅為判官表奏專委之方慶嘗稱曰掌絲綸之選也再恩曰此鳳閣舍人樣謂

宰相器者非諛即詔辭而可決

薛宣傳宣知方進名儒有宰相器何武傳太守

何壽知其有宰相器寇恂傳經明行修名重朝廷所得扶俸厚施朋友及從吏嘗曰吾因士大夫以致此可獨享之乎時人歸其長者謂有宰相器龐參傳參人為大鴻臚虞詡薦參有宰相器能後周范質漢初如中書舍人戶部侍郎周祖征三叛每朝廷遣使齎詔處分軍事皆合機宜周祖問誰為辭使者以質對周祖歎曰此宰相器也劉禹錫李絳集序唐之貴文至矣後王纂承多以國柄付文士元和初憲宗遵聖祖故事視有宰相器

者貯之內庭由是釋筆硯而操化權者十常八九

要觀偉業以濟昌時某久被

隆恩初無異技

柳文無異技
朽然大耳

見西施自憎其貌惡

文選
見西

施之容歸憎其貌韋應物詩
西施且一笑衆女安得妍

捨伯樂難遇於已知

韓文
以某

在公之字下是生於匠石之園而長於伯樂之廐者
也於是而不得知假有見知者千萬人亦何足云 昔

常聞君子之愛人

禮記君子
愛人以德

今得與諸侯之下客方歎

坐氊之冷載欣除綽之溫

禮記王言如
綽其出如綽

凡一時稽古所

蒙使千里聞風而起坐甘棠之舍愛美蔭之猶存登紅

藥之階覲清芬之旁及

謝元暉直中書省詩紅藥當階
纔謂紅芍藥也東晉傳贊祖游

後出亦播清芬李詩可以躡清芬又夫子揚清芬又徒
此揖清芬又空仰此清芬又清芬播無窮柳文世有顯
懿揚其寸悰所激尺喙難宣
清芬

賀張中書即真兼祭酒

升班橐侍正席綸闈

職官分紀張洎擢第不十年正綸
闈之任白樂天詩暫留書殿多稱

屈今入綸
闈即可知

大手筆之文章上應紫微之直園橋門之冠

帶彌瞻北斗之尊

孔融家傳孔文舉英雄特傑如衆星
之有北辰韓愈傳贊自愈後其言盛

行學者仰之
如泰山北斗

式重舊圖載光新命惟皇家任賢之篤極

士林稽古之榮

余日華啟彰聖世右文
之盛極儒臣稽古之榮

妙言語以鼓舞

萬民

賈捐之傳君房下
筆言語妙天下

富道德以淵源四海

成帝紀儒
林之官四

海淵

於今號為盛選自昔罕遇通才

班彪傳以

徐舍人

推經學之宗未聞並任

晉中興書徐邈字景山以東州
儒素少好學尤善經傳烈宗始

覽典籍招延理學之士後將軍謝安舉邈應選補
中書舍人專在西省撰正五經音訓學者宗之

田祭

酒領侍臣之職蓋匪真除

職官分紀五代時田
敏任祭酒兼侍郎

疊此殊

恩歸於耆哲恭惟某官隆隆偉器

揚雄傳隆隆者絕注
隆隆雷聲也五行志

隆隆如雷聲孔融
傳高明必為偉器

鬱鬱清門七十子之肖仲尼爭睹鳳

麟之美

法言速哉七十子之肖仲尼也又羣鳥之於
鳳也羣獸之於麟也形性豈羣人之於聖乎

五

百年而得韓愈競傳龍虎之文

東坡六一居士集序五百年而得韓愈學者以

愈配孔子益庶幾焉班固答賓戲浮英華湛道德鑿龍虎之文舊矣吳質牋摘藻下筆驚龍之文舊矣讀

盡唐虞以來之簡編

韓文自唐虞以來簡篇所存大之為河海高之為山嶽明之為日月

幽之為鬼神纖之為珠璣華實變之為雷霆風雨奇辭與旨靡不通達

發為稷契無前之

事業

韓文事業窺稷禹又揚厲無前之偉績

久矣在帝心之簡

耿秉傳訪以邊事多

簡帝

翕然為天下之師

翕通作歛鄭當時傳山東諸公以此翕然稱鄭莊韓延壽傳郡

中歛然匡衡傳學士歛然歸仁

潤色紫泥旋躋華於西省

李吉甫制詞潤色王度白

帖迴翔青瑣典掌紫泥漢儀天子制誥以紫芝為泥以封唐詩紫泥初熟詔書來又鳳凰丹禁裏街出紫泥香

中興書范甯拜中書侍郎即專
李西省唐詩紫泥西省掌泥書
佩服蒼玉亶增煥於東

庠

通典散騎常侍久次者為祭酒金蟬絳服佩蒼水玉
晉志祭酒服進賢兩梁冠佩蒼水玉唐制蒼玉崇班

威高石室杜詩羣公蒼玉佩韓詩我我進賢冠耿耿水
蒼佩禮記養國老於東膠養庶老於虞庠王制有虞氏
養庶老於下庠注下庠左學小學也在國之東前秦錄
建元七年高平蘓通常樂劉祥並以碩學名儒為祭酒
通為禮記祭酒居於東庠祥為儀禮祭酒
處於南庠每月朔旦率百僚親臨講論
然命令之地

匪輕而盤詰之風已遠

韓文周詰殷
盤詰屈聶牙

追還古作喜得老

成

詩雖無老成人尚有典刑晉蔡洪與
周浚書聖王之老成明時之俊乂

秀出一時端有

峻峰激流之勢

唐書許景先齊澣等更知制誥以文翰
見稱中書令張說嘗稱曰許舍人之文

雖乏峻峰激流之勢然貴傾同列知是凌霄聳壑之材

屬詞豐美得中和之氣

宋錢若水有人倫之鑒與王旦同列每日顯面非遙

王君凌霄聳壑棟梁之材非吾所及也

傳天官上相上

將皆顯面正朝

跬步可至

法一舉足曰跬跬三尺兩舉

足曰步步六尺漢書跬步獨進注半步曰跬荀子跬步

不休跬蹞千里孔叢子注跬一舉步也倍跬謂之步

某起身龍

字闕一

竊食鵲林

詩翩彼飛鵲集於泮林

顧佔畢小子豈

足以模人

曲禮今之教者申其佔畢多其訛言注佔

視也畢簡也吟諷其所視之簡牘佔覲同

禮樂先進實為之盟主

左傳秦之不為盟主也

雖阻拜

宜哉注謂主盟於中國

履約之耀

約音劬玉藻童子不履約孔子家語然則章甫絢履紳帶縉笏者賢人也後漢儀服志赤

烏絢履以承大祭又知天者冠弁知地者履絢或作句
周禮黃纁青句莊子冠圍冠者知天時履絢履者知地
形王莽傳句履已屬麇翰墨之香逖聞除音喜至舞手
注其形歧頭

東坡詩我聞其來喜欲舞

五色天瑞下臨翻藥之堦

唐鄭仁表豪爽有文為起居郎

以門閥文章自尊時語曰天瑞有五色雲人瑞有鄭仁表

一紙春風尚到採芹之水

楊誠齋詩春風半張紙立地作由教

永言向慕未易占陳

朱博傳口占檄文注隱度其言

口授之

賀俞右史

宸廷字號

說文宸屋宇也賈逵云室之與者後人指帝居曰宸廣韻天子之居增韻帝居北宸宮故

從山從辰易揚于柱史升班張衡傳聊朝隱於柱史晉

王庭孚號有厲柱史主記過左左右第一流分直玉堦之侍唐入言左

右史之象也右史當用第一流劉禹錫嘉話開成末韋絢自左補闕

為起居舍人時楊嗣復已除起居舍人于殿下先奏曰

左補闕韋絢新除起居舍人未申謝奏取進止帝顧之

李珣招而引之絢即操筆札於玉堦欄檻之右疾趨而

置詞拜舞焉上下數千載仍紬金匱之藏司馬遷傳贊貫穿

下數千年之間斯以勤矣史記紬金匱石室之書注紬繹也儒者至榮懦夫亦起文

後學擊節懦夫增氣王勃啟懦夫增氣先歌易水之風壯士投心思赴吳宮之火惟鄉國江山

之秀發矧王都日月之照臨尚書如日冠倫魁者蓋傑

特而間生

揚雄傳遇搜逮索耦皋伊之徒冠倫魁注冠等倫而魁傑洪适啟才冠倫魁曹陸羞稱於

童子文無衆妙屈

登法從者方寂寥而復振

揚雄傳每上甘泉常

宋當作於衙官

法從注從法駕也說文寂無人聲也寥空虛也亦作寥

楚辭寂寥兮收潦而水清注寥與寥同通作寥子虛賦

寂寥

江充傳充為人魁岸容貌甚壯帝望見

無聲趙固多士

而異之謂左右曰燕趙固多奇士韓文

燕趙古稱多感

秦豈無人

左傳晉人患秦人之用士會也謀歸之士會行繞朝贈之

以策曰子無謂秦無人

盡空凡馬之羣當繼絕麟之筆

杜預

人吾謀適不用也

左傳序麟鳳五靈王者之嘉瑞也今麟出非其時虛其

應而失其歸此聖人所以為感也絕筆於獲麟之一句

者所感而起固所以為

恭惟某官清才脫穎興學逢原

終也李詩絕筆於獲麟

繁星麗天所敬者五行獨擅詞華之美

劉禹錫柳宗元文集序貞元中

上方嚮文章昭回之光下飾萬物天下文士爭執所長與時而奮燦然如繁星麗天而芒寒色正人望而敬者

五行而已河東柳子厚斯人望而敬者與他流入海莫如於四瀆共推道術

之尊

法言仲尼之道猶四瀆也經營中國終入大海他

於漢唐書許敬宗曰瀆之言獨也不因餘水獨能赴海者也杜詩不有萬穴歸何以尊四瀆文選昭昭若三辰之麗於天滔滔猶四瀆之紀於地唐文粹四瀆宗海衆星拱天 豈特居周進士之先

禮記

大樂正論士之秀者以告於王而升諸司馬名曰進士

蓋未許漢廷臣之右方弱

水歎仙帆之引去

弱水出吐谷渾界窮石山封禪書三神山在渤海中去人不遠患且至則

船風引
而去

至太微虛郎位以召歸

楊秉傳太微積星
名為郎位詳見前
鷄舌

含香度琳琅之雅奏

應劭漢官儀尚書郎含雞舌香伏
奏事黃門郎對揖跪受故稱尚書

郎懷香握蘭六典欲使氣息芬芳
也韓詩平生千萬篇金薤垂琳琅
螭坳和墨吸沆瀣之

清光

螭抽知切說文若龍無角而黃坳么交切韻會地
坳也不平也莊子置杯水於坳堂之上增韻亦作

凹宋趙彥衛雲麓漫抄唐制起居舍人在紫宸內閣則
夾香案立殿下直第二螭首和墨濡筆皆即坳處號為
螭頭所謂螭首蓋殿陛間壓階石上鐫鑿之飾今僧寺
佛殿多有之或云唐殿多于陛之四角出石螭首不應
史云殿下第二螭首也沆胡朗切瀝音械北方夜半氣
也王逸楚辭六氣注春食朝霞日欲出時黃氣秋食淪
陰日沒時赤黃氣冬食沆瀣北方夜半氣夏食正陽南
方日中氣并天玄地黃之氣賈誼惜誓吸沆瀣以充虛

司馬相如大人賦呼吸沆瀣兮餐朝霞仲長統詩沆瀣當餐九陽代燭周必大啟自秉螭坳之筆即裁鷗閣之文劉後村欲觀玉樹琳琅之標覺我形穢挹金莖沆瀣之氣使人意消要人主無過舉之

可書

家語昔者明王萬乘之國有爭臣七人則君無過舉

賴侍臣有嘉猷而必告

尚書爾有嘉謀嘉猷則入告爾后於內

載之青汗垂萬世以不刊

吳祐傳注火炙

簡令汗出取易書謂之汗簡古文苑揚雄以文示張伯松伯松曰是懸諸日月不刊之書也文選既絕故老之口必資不刊之書說文刊丘寒切剏也削也不刊之書言不可剏除也

趙此黑頭作三公

而亦肯

晉書諸葛恢傳恢弱冠知名為臨沂令名亞王導庾亮謂曰明府當為黑頭三公王珣傳珣弱

冠與謝玄為桓溫掾溫嘗謂之曰王掾當作黑頭公後魏宗室元或少有才學時譽甚美侍中崔光謂人曰黑

頭三公當此人也趙彥端啟精神聚於黃屋勲業成
於黑頭辛棄疾啟青雲器之天姿黑頭公之物望 某

月評所棄

許劭傳劭與從兄靖俱有高名好共覈論鄉黨人物每月輒品題故汝南俗有月旦評

年拜且疎雖長松不嫌小草之依而汙渠自愧清溝之

映

韓詩二十漸乖張清溝映汙渠

地方聯於禁近天將惠於羈窮出綽

有光彈冠欲舞

王吉傳王陽在位貢公彈冠言其取舍同也蕭育傳蕭朱結綬王貢彈冠周必

大啟削蕭氏之牘雖結戀於離羣濯貢禹之冠敢嬰情而效喜

鄧禹之可文學敢自劣

於郡曹嚴助之厭承明想未忘於邑子

嚴助傳君厭承明之廬勞侍從

之事注承明廬在石渠閣外直宿所止曰廬朱買臣傳買臣上書久不報會邑子嚴助貴幸薦買臣拜為中大

夫與助俱侍中尹翁歸傳于定國欲屬託邑子兩人注邑子同邑人之子也

其為悅慕未易

敷云

說文云言也語辭也陸佃曰有應之言也汲黯傳吾欲云云

賀韓尚書

當是佞胃

渙揚帝制

易渙汗其大號

晉長民曹

漢百官志成帝初置尚書四人分四曹常侍曹主公

卿事二千石曹主郡國二千石事民曹主吏民上書事客曹主外國夷狄事世祖分客曹為南北主客凡六曹

聽履而上星辰方密承於睿睠掌圖而知地域宜坐衍

於邦儲

周禮大司徒之職掌建邦之土地之圖與其人民之數以佐王富邦國以天下土地之圖周知

九州之地域廣輪之數王隱晉書裴秀為司空作禹貢地域圖奏上藏於秘府在於觀瞻孰不

拊蹈恭惟某官名震六合才雄萬夫

李白送孟贊府還都序雖長不滿七

尺而心雄萬夫

豐功盛烈銘彝鼎而被絃歌亶有傳於相業

陽歐

公畫錦堂記其豐功盛烈所以銘彝鼎而被絃歌者乃邦家之光非閭里之榮也

正聲勁氣諧

韶濩而沮金石將遠暢於賢謨

韓文正聲諧韶濩動氣沮金石

屢試劇

煩亟膺鑒拔由甘泉筆橐之侍居北斗喉舌之司

詩出納王

命王之喉舌李固傳陛下之有尚書猶天之有北斗也北斗為天之喉舌尚書亦陛下之喉舌崔子玉尚書箴

出入王命王之喉舌兌結其和巽各其頰唐制明光畫省務總樞要建禮仙門職惟喉舌

不須問錢

穀之幾何

王陵傳上問丞相勃曰天下錢穀一歲出入幾何

蓋深識源流之所

自

荀子百姓時和事業得叙者貨之源也等賦府庫者貨之流也故明主必謹養其和節其流開其源而時

斟酌焉詳

六卿倡九牧民財允藉於阜成

尚書六卿分職以倡九牧

見第四卷

阜成

四世為三公禮冊更崇於並命

後漢袁宏袁紹四世五公又自揚東

兆民

至彪四世太尉德業相繼

某久違列署遠護荒邊望華

與袁氏俱為東京名族

躅以難攀聽除音而欲舞震凌何懼方觀厦屋之成

法言

震風凌雨然後知厦屋之為悒悒也余日華啟雲霧瀟

而蛟龍翔竊慶亨衢之盛風雨震而燕雀賀自知大厦

成罷療未蘓尚緩繭絲之責

罷或作疲說文勞力也療側界切韻會病也詩士民

其療文選

其為嚮慕未易占陳

為彫為療

賀李侍郎即真

輿圖衍賦

史記三王世家奏輿地圖周禮大司徒職方氏注若今司空輿地圖輿載也載在地者皆

圖之詳

見上條 索侍升班滿歲稱職為真宜膺褒渥

平帝紀吏在位二百

石以上一切滿秩如真韓

延壽傳歲滿稱職為真

理財正辭曰義益奮顯庸

易理

財正辭禁民

為非曰義

邦本安強

尚書民惟邦本本固邦寧

士論清穆

詩吉甫作誦穆

如清風晉書王導傳

乞自貶黜以穆朝論

恭惟某官令猷經世卓識際天羽

儀高龍鳳之稱輕視餘子

易其羽可用為儀李悛傳悛同平章事帝曰卿門地人物

文學皆當世第一信朝廷之羽儀乎 衡傳唯善魯國

孔融及弘農楊修嘗稱曰大兒孔文舉小兒楊德祖餘

子碌碌莫足數也魏志陳登曰閨門雍肅有德有行吾敬陳元方兄弟淵清玉潔有禮有法吾敬華子魚清修疾惡有識有義吾敬趙元達博聞強記奇逸卓犖吾敬孔文舉雄姿傑出有王伯之畧吾敬劉玄德餘子瑣瑣亦焉足錄哉孫逢吉啟視碌碌餘子之輩顧非其儔閱袞袞諸公之升何有於我

文章富花萼

之集自成一家

唐書李乂字尚真趙州人年十二能屬文薛元超曰是子且有海內名沉正方

雅識治體時謂有宰相器兄弟俱以文章名同一集共二十卷號李氏花萼集漢書敘傳勒成一家大畧孔明簡記特深凌厲捷出

文選凌厲捷出又凌厲中原顧昉生姿羊祜鴈賦進凌厲乎太清李

詩獨鶴思凌厲仕

左民號為劇部

晉職官志尚書雖有曹名不以為號漢靈

詩凌厲不飛翻

帝以侍中梁鵠為選部尚書始見曹名及魏又有左民客曹五兵度支凡五曹尚書并令僕三為八座陸納傳

徵拜左民尚書領州大中正諸葛恢傳遷左民尚書梁書到溉為左民尚書白居易制會計事劇出納孔殷

貳卿必擇通才

東坡集文昌二卿位次八座

往哉汝諧居然試可

尚書

往哉汝諧又試可乃已

揚鞭妙馬上之算

唐語林劉忠州晏通百貨之利自言如見地上

錢流每入朝乘馬則為鞭算

從車正豹尾之聯

揚雄傳在屬車豹尾中注屬車八十一乘

作三行尚書御史乘之最後一乘縣豹尾豹尾以前皆為省中晉書五行志豹尾儀服之主大人所以豹變也

顧委任之既專庶獻納之匪懈

文選朝夕獻納

大夫有以利國

深識源流朝廷喜得其人佇躋樞要某分符有守望履

無階聞疾置以載欣

田儼傳至尸鄉廐置李陵傳因騎置以聞文帝紀以給傳置注置者

置傳驛之所
因名置也

知宏覆之可託賦邊頭之政已自拙於征

科

杜詩邊頭公
卿仍獨驕

運上前之籌尚少寬於程督其為嚮慕

未易占陳

賀單侍郎

起自瓊臺

宋人以寶文閣
為寶字瓊臺

對揚金祀

祀音侯爾雅作危
落時謂之危一曰

砌文選金

祀王階

從甘泉之法駕式重舊圖聽棘木之祥刑載

光新命賢者亦樂民自不寃

于定國傳定國為
廷尉民自以不寃

恭惟某

官百吏宗師

薛宣傳所在而
治為世吏師

三朝耆哲入則鳴珂簪筆

論思簡在於帝心

珂音軻服虔通俗文勒飾曰珂爾雅翼貝大者珂黃黑色其骨白可以飾

馬杜詩興在驪駒白玉

出則授鉞建牙提封幾半於天

珂韓詩送以紫玉珂

下堂唐渾瑊傳德宗巡守山南瑊以諸軍衛入谷口帝

臨軒授鉞用漢拜韓信故事文選授鉞四六岑參詩授

鉞辭金殿杜詩授鉞築壇聞意旨兵書凡豎牙必以剛

日魏志典韋初為張遼士屬趙寵牙門長大莫

人方延

能勝韋一手建之文選桓桓梁征高牙乃建

頸望洪鈞之播

張良傳天下莫不延頸願為太子死者蕭望之傳天下之士莫不延頸企踵爭

願自效以輔高明冠恂傳郡國莫不延頸傾耳望風歸

命陳蕃傳天下之士莫不延頸想望太平杜詩一氣轉

鴻鈞賈誼傳

公獨袖手從赤松之遊

韓文巧匠旁觀縮手袖間張良傳願

大鈞播物

欽定四庫全書

卷二

棄人間事從

年未及於從心禮豈容於謝事

禮記大夫七十而致

赤松子遊耳

事若不得謝則必賜之几杖四朝國史李東之子孝基同謝事年纔五十士大夫比之二疏

有嘉廉

退庸侈褒升以西清直學士之班

上林賦青龍蚺蜺於東箱象輿婉憚於西

清注西清者西箱清靜之處甘泉賦覽膠流於高光兮

容方皇於西清注西清西箱清間之處宋治平四年置

寶文閣學士待制詔曰乃規層閣遠在西清元祐中蘓

轍奏祖宗御集皆於西清建重屋以藏其書為不朽計

傳誠啟天列西清仍峻河圖之

當司刑少常伯之任

唐龍

直地連南粵有光節鉞之臨

朔二年改刑部侍郎為司刑少常伯

唐書唐太宗時刑部

擇其人得道裕式佐唐興

侍郎闕令執政者妙擇其人累奏皆不可太宗曰朕得其人矣往者將作少監李道裕議張亮云反形未具此

言當矣雖不即從至今追悔遂授道裕刑部侍郎

選於衆舉皋陶宜居舜右

尚書

大傳昔者舜左禹而右皋陶不下席而天下治

某退慙疲輒之質

賈誼傳罷軟不勝任歐陽

公集某不佞疲軟不能強筋骨

雅慕惠慈之風忽聽郵傳遂依帡覆紆

丈二之組門牆有阻於先登

嚴助傳陛下以方寸之印丈二之組鎮撫方外遵

畫一之規獄市尚思於勿擾

曹參傳參去後屬其後相曰以齊獄市為寄慎勿擾

也後相曰治無大於此者乎參曰不然夫獄市者所以并容也今君擾之姦人安所容乎吾是以先之

通交代時大卿

自注漕使

借才月寺將命星軺

李邵傳邵善河洛風星和帝即位分遣使者皆微服單行各至州縣

觀採風謠使者二人當到益部投李卻侯舍夏夜露坐
卻因仰觀問曰二君發京師時知朝廷遣二使耶二人
默然驚相視曰不聞也問何以知之卻指星示云有二
使星至益部分野故知之耳輅音堯說文小車也食貨
志算輅車平帝紀立輅併馬服虔曰立乘小車併駕驪
馬又所在為駕一封輅傳申公傳乘輅傳至京師高適
詩月卿臨幕府星使出
詞曹杜詩喧呼閱星使
昔聯步武於漢廷無能出右今

託交承於淮許有愧居前

許音虎說文水厓也爾雅厓為許釋云水邊厓岸也詩率

彼淮浦又江漢之許唐楊炯
嘗曰吾愧在盧前恥居王後

憑魚腹以傳書問馬蹄之

及境

唐詩馬蹄無入朱門跡
又馬蹄今夜入誰家

恭惟某官軒昂人表

韓詩
劃然

變軒昂

清白吏師

楊震傳或勸震為子孫開產業震不肯
曰使後世稱為清白吏子孫以此遺之

不亦厚乎富玉律之文而潤飾以詩書妙金科之選而優游

於政事

文選金科玉條詩不剛不柔敷政優游

五郡洽袴襦之惠

白集膏雨吾土

袴襦吾民李深之集袴襦之惠及

三朝結冕旒之知

馬司

遷傳有奇策才力之譽自結明主

筆雙賜而合分舊說臺郎之俊

通典丞郎

月賜赤管大筆一雙
隃廩墨一丸杜詩合分雙賜筆沈
佺期詩惠遺雙管筆羅隱詩雙筆依前賜望郎漢官儀
尚書郎初從三署郎選詣尚書臺試每一郎缺則試五
人先試賤奏初入臺稱郎中滿歲稱侍郎裴秀奏事臺
郎皆朝之俊選當其處事宜辦正凝滯也晉起居注臺
郎御史邦之俊茂李詩臺郎選才俊張渭詩共識臺郎
俊蕪味道有贈崔馬
二御史並拜臺郎詩

獄一成而參聽共推廷尉之平

張釋

之傳廷尉
天下之平

君子於此盡心天下為之吐氣

杜甫卷陵行序當天子分

憂之地得元結輩十數公落落然參錯天下為邦伯萬物吐氣天下人安可待矣

尚煩華遣殊

鬱具瞻訪邊頭之耕桑已有生意轅上前之智畧即對

清光

吾丘壽王傳武帝賜璽書曰子在朕前智畧輻輳及連十餘城之寄任四千石之重職事甚廢盜賊

縱橫甚不稱在前時何也

中階非遙

藝文志泰階六符中階上星為諸侯

三公下星為卿大夫

一武可至

陳后山詩青雲一步趨

某賦姿不韻

唐韋夏卿好古

有遠韻楊萬里詩依然風韻合還他

乘傳罔功

高帝紀乘傳詣洛陽注傳若今之驛古者以車謂之

傳投老勸游久作歸田之夢

王羲之傳懷祖正當尚書耳投老可得僕射載記慕

客垂曰吾投老扣囊底智足以尅之司馬相如傳長卿
故勸游李令伯詩人亦有言有因有緣仕無中人不如
歸田左太冲詩長揖歸田廬杜詩此興展歸田
李詩種黍展歸田薛逢詩却思平子賦歸田
蒙恩入

覲復收去國之蹤居然無毫髮之可書來者尚瑕垢之

是掩六一居士詩鄭子產相識如舊雅好未忘左傳季

鄭見子產如舊相識與之縞帶子楚令尹必告以新良

規何有期於叱馭王尊傳王陽為益州刺史行部至邛

乘此險後以病去及尊為刺史至其坂問吏曰此非王
陽所畏道耶吏對曰是尊叱其馭曰驅之王陽為孝子

王尊為
忠臣
慰此搖旌

通新漕時大卿

自注
太守

寵對恩綸肅持蕩節

周禮地官掌節皆以英蕩輔之蕩
侍郎切說文大竹也詳見第十一

卷

朝行相望卿惟月以最高使指下臨我有天而自喜

司馬相如傳宣其使指使百姓皆
知天子意馮奉世傳奉使有指

奏書疾置

平帝紀置
奏上注謂

立文奏

進候行臺

唐百官志武德初置總管以統軍加
號使持節蓋漢刺史之任有行臺有

大行

臺

恭惟某官絕識照時遠猷方古球琳不琢中函一

氣之和

余日華啟玉井
無波金球不琢

松栢後凋獨傲千霜之勁

荀子
歲不

寒無以知松栢事不難無以知君子張說集松栢青
不受今於霜雪劉賓客詩火後見琮璫霜餘識松栢陳

據啟雪見明而自
消栢經霜而彌茂

法律乃其游戲詩書有以發揮婆娑

棘木之間尤詳決讞

婆娑猶偃息也詩婆娑其下又市也婆娑又選婆娑於九列又婆娑

翰林又紆餘婆娑又婆娑乎人間王述傳不為此公婆娑之事陶侃傳老子婆娑正坐諸君輩韓詩我今官閒得婆娑王制正以獄成告於大司寇聽之於棘木之下郭躬傳躬奏讞法科多所生全

蔽芾甘棠

之下屢最蕃宣

詩四國于蕃四方于宣

簡在清衷

大選莫不總制清衷遮為心極

王荊公集

召還舊署郎舍得馮唐而借重

馮唐傳唐以孝著為郎中

署長廷尉賴定國之持平

于定國傳其決疑平法惟在哀鰥寡罪疑從輕

凡君子

曲盡其心皆聖人欽恤之意即合持荷而獻納尚勞攬

轡以馳驅凜凜先聲破黠吏舞文之膽

點音轄尹翁歸傳縣縣收取點

吏豪民漢明帝紀吏黠不能禁劉賓客集黠吏斂手杜

詩奈何點吏徒漁奪成逋逃劉長卿詩點吏偏驚隼張

湯傳舞文巧詆以輔治汲黯傳好興事舞文法唐柳公

綽行部至鄧縣縣吏有納贓舞文二人公綽判曰贓吏

犯法法在奸吏弄法法亡誅舞文吏谷永傳臣所以破

膽寒心副通傳披心腹破肝膽賈誼傳破膽而不敢謀

梁崔寔傳破

融融和氣慰老農望歲之懷

左傳其樂也融融又閔閔

焉如農夫望歲又國人望君如望歲焉杜詩農夫望

歲稔韓魏公詩須臾慰滿三農望斂却神功寂若無恐

未容孔席之溫

班固答賓戲孔席不暇暖杜詩聖有不暖席

行且見曹裝之

促

曹參傳告舍人促治行注謂修治行裝

某強鞭下乘濫剖邊符國既無

年力已疲於荒政

周禮大司徒之職以荒政十有二聚萬民

民或未信志敢

逞於淫刑

左傳已則不明而殺人以逞不亦難乎又楚多淫刑其大夫逃死於四方

顧遲鈍

不及事之為憂

翟方進傳號遲頓不及事注頓讀曰鈍

賴高明有容德之

可恃

尚書有容德乃大

自收蹟於鵷鷺之後慕用寔勤

文選收蹟府朝

柳詩憲府初收蹟陳涉傳慕用之誠

今望塵於駒駱之傍依棲最便

趙汝

塵不及南史阮孝緒字士榮屏居一室未嘗出戶任昉欲造而不敢欽慕風譽者莫不懷刺斂衽望塵而息又

何點不入城府豫章王嶷命駕造點點從後門遁去竟陵王子良曰豫章王尚望塵不及吾當望岫息心說文

馬二歲曰駒駱馬白色黑鬣尾也詩我馬維駒又我馬維駱

其為舞抃未易占陳

通新漕時大卿

借楚卿之材

左傳晉卿不如楚其大夫則賢皆卿之材也杞梓皮革自楚往也雖楚有材晉實用

之

持漢使之節

漢昭帝紀始元元年遣王平等五人持節行郡國杜詩漢節野童看

淮山

草木見震服於威名泮水衣冠願親承於禮樂魚傳不

敏

左傳使士文伯謝不敏焉韓詩買羊沽酒謝不敏

燕賀惟廔

淮南子湯沐具而蟻蝨相弔大

厦成而燕雀相賀杜詩高飛燕雀賀新成東坡詩驚飛賀厦燕陳謹啓鴻鵠遠舉竊仰睇於雲霄燕雀賀成愧不離於竿牘楊萬里啟龜魚竊新亭之陰亦有肺腸燕雀賀大厦之成恨無羽翼

恭惟某官允

矣老成卓然大雅

景十三王傳贊夫惟大雅卓爾不羣河間獻王近之矣

負經遠

之業而沉酣乎道德傳畫一之規而潤飾以詩書自獻

藝於秋官即蜚名於天陞

文選蜚英聲

中外盤根之歷試後

先華躅之相望

望平聲詩令聞令望易萬夫之望

寬和若黃次公乃二

千石共理之最

循吏傳黃霸字次公廉察為河南太守丞俗吏尚嚴酷以為能而霸獨用寬和

為名又孝宣由反徵而登至尊興於閭閻知民事之艱難嘗稱曰民所以安其田里而亡歎息愁恨之聲者政

平訟理也與我共此

詳練如劉可久蓋四十年用法之

者其惟良二千石乎
宋劉可久為大理卿性沉毅方正

淑問藹如詩淑問如

平
泉陶在

清衷簡在積星之聯月寺既盡心焉列棘之去

槐階特跬步耳

南史九卿位為列棘作事成務

屬凝旒之西顧

陳充送陳學士

入川安撫詩凝旒西顧蜀川民

見叱馭之南來一札初放

循吏傳先武天下已定務

用安靜以手迹賜方國者一札十行細書成

文勤約之風行於天下故亦作頌同禮匪放

四組交集

問決獄問錢穀諒有成摹

王陵傳上問丞相勃曰天下

天下錢穀一歲幾何勃又謝不知

為保障為繭絲尚存遺愛

左傳子產卒仲尼聞

之出涕曰古

少俟澄清之驗

范滂傳少勵清節時冀州飢荒盜賊羣起乃以滂為

清詔使按察之滂登車攬轡慨然有澄清天下之志

即歸獻納之班

杜詩獻納司存雨露邊

其潢潦無根

說文潢積水也潦雨水大貌曲禮水潦降月令丘隰水潦注大雨故世謂靈雨為潦

又路上流水左傳潢汙行潦之水

砮砮非寶

砮砮石次玉戰國策

韓詩潢潦無根源朝滿夕已除

砮砮類玉山海經會稽山下多砮石亦作武夫董仲舒

傳猶武夫之于美玉子虛賦砮石武夫注武夫赤地白

采心妍面醜自不入於時宜後漢后紀雖惠心妍狀愈

醜心意廣才疎復何關於世用孔融傳融負其高氣志

妍意廣才疎復何關於世用在靖難而才疏意廣迄

無成半生多難垂老愈窮編斷蒲以著書路溫舒傳父

功溫舒取澤中蒲截以為牒編用寫書文選集螢映

書編蒲緝柳劉禹錫詩編蒲曾苦思垂竹愧無名

采寒

芹而當食衮衮誰憐於官冷皇皇幸託於使華杜詩皇

處於汝處於汝**繡斧先聲**武帝紀遣直指使者暴勝之

定無嫌定無嫌**布韋同**

等衣繡衣杖斧分部逐捕

備山四六

手二

耀即學宮而見問喜居何武之部中開賓閣以相延尚

在勝之之門下

雋不疑傳暴勝之為直指使者素聞不疑賢至渤海遣吏請與相見不疑冠進

賢冠帶櫛具劍佩環袂褒衣博帶盛服至門上謁勝之開閣延請躡履起迎深接以禮意傾依采極

敷染奚殫

賀揚州趙安撫

安撫使自梁鄴道元始歷代相沿其屬有勾管機宜文字勾當幹辦

淮東安撫司

治在揚州

疇庸已試拜命為連

王制千里之外設方伯五國以為屬屬有長十國以為連連有帥三

十國以為卒卒有正二百一十國以為州州有伯

地官小司徒夙重神皋之鎮

周禮小司徒之職掌建邦之教法乃分地域而辨其守
施其職而平其政大選禹穴神皋又實惟地之與區神
皋又神皋載穆又神皋隕區注
皋地也其地肥沃故曰神皋

江吳大都會重訢督府

之開

漢書地理志吳東有海鹽章山之銅三江五湖之
利亦江東之一都會也廣陵志長淮之區綿亘數

千里揚其都會也溫公集江淮一都會唐百官志大都
督府都督一人從二品掌督諸州兵馬甲械城隍鎮戍
糧廩武德初邊要之地置總管以統軍蓋漢刺史
之任七年改總管曰都督總十州者為大都督

初令

肅然休稱籍甚恭惟某官才名跨乎賀白

杜詩才名三
十年李賀唐

諸王孫李白涼武昭王
嵩九世孫唐編屬籍

德望冠乎毛原

唐宰相贊周之
卿士周召毛原

皆同
姓也

巨緡釣東海之鯨壯懷慨慷

莊子任公子為大鉤
巨緡五十牂以為餌

躡乎會稽投竿東海旦旦而釣期年不得魚已而大魚食之牽巨鉤滔沒而下驚揚而奮鬣白波若山海水震

蕩聲似鬼神

赤手縛南山之虎奇畧深沉

吉溫傳若遇知已南山虎

憚赫千里

不足縛東坡詩赤手攬犀象人更能赤手縛於毫

駭文陛之一鳴見華衢之四

達宣外勞則侯壤使天之惠洽儀內署則郎星卿月之

輝聯六曹惟劇於左民三輔莫難於內史

漢百官公卿表主爵都尉

秦官景帝中六年更名都尉武帝太初元年更名右扶

風治內史右地與左馮翊京兆尹是為三輔張敞傳京

兆典京師長安中浩

獨以論思之暇兼夫彈壓之能

文選

穰於三輔尤為劇

彈壓山川柳仲郢傳輦轂之乃眷雄邊實惟舊部木牛

下先彈壓都邑之治本惠養

流馬熟聞濡轡之驅赤岸洪濤曾借高牙之重

赤岸在廣陵泰

興縣南兖州記瓜步山東五里江有赤岸山南臨江中
濤水自海入江衝激六七百里至此岸側其勢始衰文
選鼓洪濤於赤岸又南極赤岸又臨赤岸又起洪濤
而揚波杜詩赤岸水與銀河通又山木盡亞洪濤風

恩猶在新命載放兒童至於拜迎

郭伋傳王莽時為并州牧建武中復為牧

伋前在并州素有恩德始經行部到西河美稷有兒童
數百騎竹馬於道次迎拜伋問兒童何自遠來對曰聞
使君到喜故來奉迎辭謝之及事訖諸童復送至郭外
問使君何日當還伋謂別駕從事計日當告之行部既
還先期一日伋重違信於諸兒遂止於野亭須期而入
李詩竹馬數小兒拜迎白鹿前含笑問使君日晚可迴
旋

草木為之鼓舞玉闕坐鎮想無奔命之書

玉門關在燉煌漢紀

先武閑玉門闕謝西域之貢班超傳超久在西域年老思土上疏願生入玉門闕文選玉門清析李詩玉闕此去三千里杜詩漢使玉闕回文選坐鎮雅俗左傳申公巫臣遺子反書曰爾以讒慝貪恠事君而多殺不辜余必使爾疲於奔命以死崔寔傳胡虜入雲中朔方殺畧吏卒一歲至九奔命昭帝紀發健為蜀郡奔命擊益州注聞命奔去

鼎席正虛行有追鋒之召

晉志追鋒車去小平蓋加通憶

故謂之奔命如軺車駕二追鋒之名蓋取其迅速也魏志司馬望給追鋒車一乘傳暢晉諸公贊帝常與中護軍司馬望散騎常侍裴秀等講宴於東堂并屬文論帝性急請召欲速以望在外特給追鋒車虎賁卒五人每有集會望輒奔馳而至晉書武帝紀乘追鋒晝夜兼行五行志乘追鋒車南渡河杜預傳拜征南大將軍給追鋒車盧欽傳給追鋒

其器非適用分合歸耕

夏侯勝傳經學不明不如歸耕文選喜曾氏之

歸耕兮

念無地以置錐

莊子堯舜有天下子無置錐之地史記枚舉傳舜無立錐之地以有

天下漢食貨志貧者無立錐之地

僅得州而如斗幸依仁之密邇且事

契之疊重並席題名頗記曲江之勝集

撫言進士俱捷謂之同年列名

於慈恩寺謂之題名大宴曲江亭謂之曲江宴

同臺贊治難攀禁路之清遊悵

門仞之久違屬藩封之大啟頓足自喜

楊惲傳頓足起舞王溫舒傳溫

舒頓足歎此身不孤異姓後同姓之天敢不敬也

左傳周之宗盟異姓

為小國仰大國之雨願以膏之

左傳小國之仰大國也如百穀之仰膏雨焉詩

芄芄黍苗陰雨膏之

賀俞大監除中書舍人

簡自中宸

文選消氛埃於中宸韻林中宸天地交會之際儀宸太子居也

擢居右掖大

哉燕許之筆發揮聖謨

唐書文苑傳序索理致崇雅黜浮氣益雄渾則燕許擅其宗燕

顯傳張說以文章顯稱望畧等故時號燕許大手筆

雅有元白之風鼓舞羣動

唐書

元和主盟實在元白宋謝絳字希深權知制誥有元白風

朝言胥允禁戶增光

白集崔羣

制寵以正名式光禁職

恭惟某官德粹而行方材宏而識茂自唐

虞以來之編簡歷歷蟠胸視漢魏而降之文章軒軒獨

步

宋書自漢至魏四百餘年詞人才子文體三變相如工為形似之言二班長於情理之說子建仲宣以氣

質為體並標能擅美獨映當時柳文殷周之前其人簡
而野魏晉以降則盡而靡得其中者漢氏漢氏之東則
既衰矣袁山松後漢書陳仲舉軒軒如千里驥傳子王
黎為黃門郎軒軒然得志煦煦然自樂世說海西時諸
公每朝朝堂猶暗惟會稽王來軒軒然如朝霞舉而陽
雜俎李白神氣高明軒軒若霞舉李陽冰李白集序自
三代以來風騷之後馳驅屈宋鞭撻揚馬千載獨步惟
公一人後漢戴良傳良才既高遠而論識尚奇多駭流
俗同郡謝季孝問曰子自視天下孰可為比良曰我若
仲尼長東魯大禹出西羌獨步天下誰與為偶又袁淑
謂謝莊曰江東無我卿當獨步王坦之傳江東獨步王
文度二陸贊文藻宏麗獨步當時杜詩獨步才超古又
獨步詩
名在 涵蓄既富嫵知亦深快搏風九萬里之程冠登

瀛十八人之選

唐褚亮傳太宗命閻立本圖十八學士
像藏之書府在選中者天下所嚮慕謂

之登瀛洲
詳十七卷

將梯階於政路資潤色於詞垣氣得中和何

止動武夫之泣

唐書許景先為中書舍人張說稱其屬辭豐美得中和之氣又德宗幸奉天所

下制書雖武夫悍卒無不感動流涕詳十二卷

地分清切莫非極文士之榮

杜詩

地分清切任賢才劉楨詩拘此清切禁上官儀詩清切丹禁靜韋承慶詩清切鳳凰池

佇需廷告

之頌式重國成之業

詩誰東國成不自為政辛勞百姓

某欣聆除目

姚合

詩一日觀除目三年損道心洪适啓獲觀除目偶抗塵容

倍激懦衷

東坡詩凜凜激貪懦

身繫

魚符借榮光而有託

唐循吏傳唐初刺史得佩魚品卑者假魚佩柳詩銅魚亦共頌注唐

制銀菟符改為銅魚符易守令則給之

神馳鳳閣睹真樣以無從

唐光宅中改中

書省為

鳳閣

賀陳殿院除太常少卿

宋制殿中侍御史二人掌言事分糾大朝會及朔望

大參官班序

渙敷大號

易渙汗其大號

晉陟少常

杜牧有送崔少常出鎮夏州詩

法星懸火

旻尊矣朝廷之望

黃石公陰謀秘法熒惑火之精御史之象劉禹錫詩鷺鳥得秋氣法星懸

火旻唐書李勉拜監察御史屬朝廷右武勲臣恃寵多

不知禮大將管崇嗣於行在朝堂背闕而坐言笑自若

勉効之拘於有司肅宗特原之

卿月昇金掌煥焉禮樂

之新

杜牧送崔少常詩登壇禮樂卿

十目聳瞻一詞贊慶恭惟某官植

操孤整受才閎通直道而行以萬乘為知己與學有用

信六經非空言入裨右轄之司

白居易庚承宣尚書右丞制昔我太宗皇帝嘗

謂尚書丞百職綱轄事一失中則天下有受其弊者因

命戴胄魏證及杜正倫劉洎輩繼領是職分居左右官

修事理人於今稱之故吾前命崔從持左

網今命承宣操右轄衆口籍籍頗為得人

史記孔子初仕為中都宰趙禹傳以佐史補中都官

譽注京師諸官為吏也通典玄宗開元九年置中都李

詩試宰中動搖山嶽之任方振肅於朝儀

都天下聞擢監察御史

嘗曰御史銜命出使不能搖動山嶽震懼州縣誠曠職

耳熊克賀陳察院啟九重總攬方沙汰於江河三院峻

雄可動搖職典天地之司復簡求於時望

於山嶽初學記太常漢官宋百官

春秋昔唐虞伯夷作扶宗典三禮周則春官宗伯
掌禮樂並其任也周禮春官宗伯掌天地神祇
峻躋

九列

通典漢以太常光祿勳衛尉太僕廷尉大鴻臚宗
正大司農少府謂之九寺大卿後漢九卿分屬三

司韋玄成傳恤我九列注九列
者卿之位也陳蕃疏備位九列
允屬多聞蒐舉百代之

闕文粉澤一王之成法凡伯夷降典之治

尚書伯夷降
典漢書太常

古官云伯夷秩宗典三禮欲令
國家盛大社稷常存故稱太常
乃周公入相之階某假

守荒圻

說文圻阪隅也周亞夫傳奔壁
東南圻韓休傳贊身播遠圻

阻趨崇仞鵬隨

天運莫量搏擊之程

莊子鵬之背不知其幾千里也海
運則徙於南溟水擊者三千里搏

扶搖而上
者九萬里
雀喜宮成庶作震凌之庇

賀林察院除殿中侍御史

光奉綠綈

綈音提說文厚繒也漢書外戚傳中黃門持詔記盛綠綈方底封御史中丞印蘓千能啟

綠綈錫命白簡察廉周必大賀鄒中書啟進持白筆魏

綠綈方底四輩載馳紫微青宮一朝並命

帝嘗大會殿中御史簪白筆側階而坐上下左右此為

何官何主左右不對辛昆曰此謂御史舊時簪筆以奏

不注今者直備官俱耗耳晉書輿服志笏者有事則書

之故常簪筆今之白筆是其遺象三臺五省二品文官

簪之北齊司馬子端箴簪白居殿中察非法方觀直道

之行

陳咸傳內執法殿中續百官志舊制監察御史在殿中舉察非法通典魏蘭臺遣御史二人居殿中

伺察姦非孔帖殿中侍近君所必正人亶有忠言之告

御史掌殿庭供奉之儀

御史掌殿庭供奉之儀

觀瞻所繫，拊蹈惟均，恭惟某官耿介拔俗之標。

大選耿介拔俗

之操滿灑出塵之想

閎偉幹時之具

三國志注朱雋稱袁遺有冠世之懿幹時之量文選思夫

人之政術實幹時之良具

仁經義緯得天地之純全

文選仁經義緯敦睦於閭庭

文艷詞香冠古今之述作

杜牧詩高摘屈宋豔濃薰班馬香

回翔頗久

禮記回翔焉文苑英華久回翔而不振彌貞吉以自多又回翔青篋李納行廬弘正制回翔中外

蘊蓄

采深漢廷方重於老成唐院式資於廉察

唐書武后文明元年改御

史臺曰肅政臺光宅元年分左右臺兩臺歲再發使八人春日風俗秋曰廉察

蔚有殊效擢居

副端

唐書侍御史六人久次者一人知雜事謂之雜端殿中監察掌臺內事專決亦號臺端次一人知公

解次一人知彈分京城諸司及諸州為東
西次一人知西推贖二司受事號副端

賢聖相逢喜

巨魚之縱壑

王褒聖主得賢臣頌翼乎如鴻毛之遇順風沛乎若巨魚之縱大壑

邪姦不

起知猛獸之在山

蓋寬饒傳山有猛獸藜藿為之不採國有忠臣姦邪為之不起趙彥端啟

鵬鷄橫秋但聳藩籬之望山林伏猛庶全藜藿之生

辯天下之公是非論朝廷之

大利害用此恢張於綱紀

舊唐書魏謩為御史中丞兼戶部侍郎判本司事謨奏曰

御史臺綱紀之地不宜與泉貨吏雜處又高元裕進御史中丞即建言紀綱地官屬須選有不稱職者請罷之

宜其秉執於鈞樞某敬慕下風

漢書竊高下風之行又得佐下風陸士衡詩承

風 願下

欣聆成渙想國勢重於九鼎

史記毛先生一至楚而使趙重於九鼎大

宮
致邊圉固於四維屬拘守符莫陪賀履鵬鸚豈衆禽

之偶方此頡頏

唐肅大唐新詔韋仁約在憲司於王公卿相未嘗行拜禮人或勸之答曰鵬鸚

鷹鸚豈衆禽之偶奈何設拜以狎之且耳目之官固當獨立耳頡頏鳥飛貌本作翺翺上曰翺下曰翺詩頡之

頡之揚雄傳鄒衍以頡頏而取世資頡或作貯揚雄傳魚頡而鳥貯鵲鵲得一枝之安悉

繫庇護

莊子鷦鷯藏於深林不過一枝余元一啟鼯鼠之有五技深愧已窮鷦鷯之巢一枝庶幾可託

賀施察院除右正言

唐置左右補闕左右拾遺宋改左右補闕為左右司諫左

右拾遺為

左右正言

光奉詔恩進司言責

谷永傳事君之義有言責者盡其忠

為中郎入禁闥

而補遺闕密奉燕閒

汲黯傳召黯拜為淮陽太守黯泣曰臣嘗有狗馬之心今病力不能

任郡事臣願為郎中出入禁闥補過拾遺臣之願也劉向傳願賜清燕之閒蔡義傳願賜清閒之燕注燕安息

也與天子立殿陛而爭是非允資鯁直

歐陽公上范司諫書立於殿陛

之前與天子爭是非者諫官也陳平傳彊項骨鯁之臣詳見第八卷

有識相慶不戒而孚

易翩翩不富以其隣不戒以孚

恭惟某官碩望巍裁瓌姿奇特

孔帖張守珪姿

幹瓌壯又溫造姿表瓌傑又呂元膺安儀瓌秀又張錫安狀瓌偉

身以稷契而自許

杜詩

許身一何愚自比稷與禹

道非堯舜而不陳

洪适啓公固自任非堯舜之道不陳人亦有云

豈管晏之功可許

上簡冕旒之知內分耳目之寄山林伏猛而

藜藿不採天日開明而奴隸皆知

韓文鳳凰芝草賢愚皆識為美瑞青天白

日奴隸亦知其清明洪适啓白日青天揭高明於與皂黃鐘大呂備和粹於律同

驟從三院之

唐書御史臺大夫一人中丞二人其屬有三院一曰臺院侍御史隸焉二曰殿院殿中侍御史隸焉三曰

察院監察擢預七臣之列

通典諫議大夫秦置掌議論御史隸焉

劉瑜傳設置七人以廣諫道孝經古者天子有爭臣七人注謂三公及前凝後丞左輔右弼周必大啓囊絲六

察進列

雖聖朝無闕不煩杜老之諫書

本詩聖朝無闕事自覺諫書稀

而治世可憂合上田公之奏議

宋田錫天安骨鯁宋白舉直言極諫公對事奏

經史中治體之要三十篇真宗手詔褒獎拜御史知雜事遷諫議大夫嘗曰此朕之汲黯也東坡有田表聖奏

議序 虛心見納 顓面可期 某濫擁邊麾 阻趨賓祀 喜正人

之登用容善類之有歸寢淮南之謀固知有道

辛慶忌傳衛青

在位淮南寢謀汲黯傳淮南王謀反憚黯曰黯好直諫守節死義至說公孫弘等如發蒙耳王嘉傳近事汲黯折淮南之守何敢言功

馮唐傳令唐持節赦魏尚復以為雲中守而拜

唐為車騎都尉 方切悝幪但增舞朴

賀鄭監簿除監察御史

唐武德初軍器監置主簿一人宋沿其制

書接疏恩

易晝日三接韻會疏分也黥布傳疏爵而貴之

風聞抗論

漢書尉陀曰風聞老

夫父母墓已壞削晉書顧和謂王導曰明公作輔寧使網漏吞舟何緣採聽風聞以察察為政耶文選風聞東

海王源嫁女與富陽潘氏又與風聞符同唐百官志故事御史臺不受訟有訴可彈者畧其姓名託以風聞

文采居正色之地百僚具瞻

大唐新語韋仁約彈褚遂良出刺同州遂良復職黜

仁約為清水令或慰勉之仁約對曰丈夫當正色之地必明目張膽以報國恩終不能為碌碌之臣保妻子耳

明主可忠言之時千載一合

趙充國傳明主可與忠言遂上屯田奏唐仲友賀王

察院啓明主可為忠言天其或者君子有恃不恐身親見之劉珙啓惟明主可與盡言既賴納忠之益而仁人

宜在高位果絲綸寵甚綱紀肅然恭惟某官氣塞堪輿

膚不次之除甘泉賦屬堪輿以壁壘兮張宴曰堪輿天地總名說文堪天道輿地道也識該流畧

劉向總率書而

奏其七畧有輯畧有術數畧有方伎畧有六藝畧有諸子畧有詩賦畧有兵書畧唐太宗授顏師古秘書監詔

學該流畧詞兼典麗唐太平內制學該流畧文麗風騷
駱賓王啓弋志書林咀風騷於七畧耘情藝圃偃圖籍

於九韜韞深而用之不竭砥礪固而介然不移鄒陽傳砥礪名

號者不以利傷行馮衍傳砥礪其節萬里溟鯤擊水但聞於一息九秋霜

隼刺天不羨於羣飛說文隼祝鳩也詩歟彼飛隼注急疾之鳥陸佃曰鵠屬今鷹之搏噬

不能無失獨隼為有準每發必中師古曰即今所謂鵠杜牧制漢家授侍御史多以立秋蓋以風霜始嚴鷹隼

始擊王義方彈李義府疏霜簡與秋典共清忠臣將鷹鷂並擊又張元一目糧味道為九月得霜鷹劉禹錫詩

驚鳥得秋氣杜詩魏侯骨聳精神緊華嶽果被簡知寢

階顯拔簿領方嚴於戎監齊書王儉謂張緒云孔廣來使人廢簿領文選沉迷簿領

書注領錄也易除戎器以

班聯俄聳於憲臺

六典注漢名御史府

戒不虞戎監謂軍器監
後漢曰憲臺魏晉宋齊曰蘭臺
梁陳後魏北齊隋皆曰御史臺

得李御史而朝廷始尊

允藉糾繩之助

劉琨啓得李勉而朝廷始尊蓋上當於帝意舉皋陶而不仁者遠即參穆於政

途龔茂啓有李勉而朝廷尊家聲
益振用韓休為社稷計主眷可量

用魯真儒而天下無

敵佇登宥密之司

法言孔子用於魯齊人章章歸其侵疆魯不用真儒故也如用真儒無敵

於天下安得削王禹偁制宥密之府
總樞密於萬幾楊文公表宥密之司

某久矣慕賢勇於

立儒側聽十行之布偶拘一障之乘

張湯傳居一障間又遣山乘障鮑昭

詩乘障遠和戎徐知
仁詩乘障坐消煙

顧燕雀以何知猶厖賀厦

陳勝傳燕雀安

知鴻鵠之志哉

置狐狸而弗問終賴包荒

孫寶傳故吏侯文以剛直不苟合寶以恩

禮請文丈求署為掾以立秋日署文東部督郵入見勅曰今日鷹隼始擊當順天氣取姦惡以成嚴霜之誅掾部渠有其人乎文印曰無其人不取虛受職寶曰誰也文曰霸陵杜穉季寶曰其次文曰豺狼當道不宜復問狐狸張綱傳順帝漢安元年遣八使循行風俗餘人受命之部而綱獨埋車輪於洛陽都亭曰豺狼當道安問狐狸遂劾奏大將軍梁冀河南尹不疑條其無君之心十五事易包荒用馮河曾丰賀謝殿院啓獬豸有威李金吾猶為之震懾狐狸不問韋青州或可以偷安

橘山四六卷二

欽定四庫全書

集部
橋山四六卷三

詳校官庶吉士臣翁樹培

主事臣呂雲棟覆勘

總校官編修臣王燕緒

校對官主事臣陳文樞

謄錄監生臣張魯溶

欽定四庫全書

橘山四六卷三

宋 李廷忠 撰

明 孫雲翼 注

賀張寺簿除監察御史

宋皇祐中宋祁乞增置太常寺主簿一員勾檢在寺

文書及掌出納

疏榮鳳檢

說文檢書署也徐氏曰書函之蓋也三刻其上繩緘之然後填以泥題書而印之也

漢書武帝紀注封禪有金策玉函金泥玉檢謂以玉為檢束也一說俗謂燕尾今世書表簽後漢書公孫瓚傳皂囊施檢張騫奏芝泥發彩宣鳳藻而騰文蘭檢浮香潤龍縑而動色

分察烏

臺

職官分紀成帝時御史臺有烏集故謂之烏臺白帖朱博為御史大夫府中列栢常有野烏數十棲其上朝與暮集因名烏臺

謂之朝夕烏唐制烏臺峻秩

當感會風雲之秋

正人得路

班固答賓戲彼時躡風雲之會後漢書論感會風雲奮其忠勇晉書戴鱗潛翼

思屬風雲王猛傳斂翼待時候風雲而後動杜詩風雲感會起屠釣韓詩風雲一朝會變化在一身元稹詩風雲會一

居動搖山嶽之任邪士革心有

偉觀瞻可量懽懽

說文懽快也本作慝漢本紀未有慝志

恭惟某官

聲宏而實大

韓文本深而未茂形大而聲宏

氣和而志剛以伯夷

之廉而據古不阿

貢禹傳禹乞骸骨歸鄉里天子報曰朕以生有伯夷之廉史魚

之直守經據
古不阿當世
如孟軻之敬而當今誰舍特達冕旒之眷

凌厲紳綏之行

楊彪傳纓綏縉紳鄭玄禮記注綏冠飾也紳帶也文選纓綏之徒紳佩之士宋

制紳綏輝煥陳諫啟
郵傳四馳紳綏交慶

方贊奉常之討論

初學記初秦置奉常漢祖更名

太常惠帝又曰奉常顏師古曰太常王者旌旗也畫日月焉王有太事則建以行禮官主奉持之故曰奉常也後改為太常尊大之義也書序討論墳典東都事略楊傑官太常者連數任一時禮文之事傑與討論

俄

冠惠文而彈治鳳凰景星之瑞出於明時

韓文朝廷之士引領東望若鳳

鳳景星之始見也
爭先睹之為快

鷹隼嚴霜之威行乎直道振一臺之

綱紀唐書狄兼謨為御史中丞帝曰御史朝廷紀綱一臺正則朝廷正朝廷正則天下治卿梁公後當嗣

家聲唐孫逖行宋鼎制
綱紀一臺爰資右轄

植兩地之梯階韓詩以為已梯階

使當

世想埋輪之風將奕世繼珥貂之業

韻會奕葉累世也插於後曰珥文選

金張襲世業七葉珥貂蟬張安世傳安世子孫相繼自
宣元以來為侍中中常侍諸曹散騎列校尉者凡十餘
人漢官儀侍中冠武弁大冠亦曰惠文冠加金鐙附蟬
為文貂尾為飾故謂之金貂侍中插左常侍插右晉書
輿服志應劭漢官云金取剛強百鍊不耗蟬居高飲清
口在腋下貂取內勁悍而外柔弱又蟬取清高飲露而
不食貂則紫蔚柔潤而毛采不彰灼金則貴其寶瑩胡
廣曰昔趙武靈王胡服之制秦始皇破趙得王冠賜之
侍中某濫叨符守側聽郵傳豈惟國勢之強九鼎增重抑
使邊封之固一塵不驚

終軍傳邊境時有風塵之警

幘幘所加扑蹈

滋極

賀單侍郎除刑部尚書

紫泥疏寵陞文昌八座之尊

史記斗魁戴匡六星曰文昌宮晉志文昌六星在北

斗魁前天之六府也荀綽晉百官表注尚書為文昌天府李庾西都賦環以文昌二十四署六部提統按分星度王湛傳或寄重文昌允釐於袞職或任華綸閣密勿於王言陳後主授江總尚書令冊文文昌政本司會治經唐百官志光宅元年改尚書省曰文昌臺俄曰文昌都省劉伯疏八座比於文昌二丞方於管轄蔡謨傳八座之任非賢莫居唐六典後漢以令僕射六曹尚書為八座魏氏省為五曹則僕射有二若僕射省一則尚書有六今以二丞相六尚書為八座陳壽魏志評八座尚書即古六卿之任馬永卿嬾真子云尚書謂之八座其

來久矣然學者少究其源或以六曹二丞為八座或以六曹二僕為八座皆非也此事載於晉書職官詳錄於左漢光武以三公曹主歲終書課諸州郡事改常侍曹為史曹主選舉祠祀事民曹主繕修功作鹽池苑囿事客曹主護駕羌胡朝賀事二千石曹主辭訟中都官主水火盜賊三公為六曹并令僕二人謂之八座 丹

筆持平聽司寇五刑之訟

會稽典錄盛吉拜廷尉性多哀矜每冬月罪囚當斷夜省

刑狀其妻執燭吉手持升筆夫妻相對垂泣張南史詩持刑慎升筆周禮小司寇之職以五刑聽獄訟求民情

雖云序陟實自僉諧恭惟某官性履純深器資端亮富

貴勲名之自致

史記蔡澤傳富貴吾所自有歐陽公畫錦堂記所謂將相而富貴皆公所宜素

有李詩富貴吾自取韓詩富貴由身致誰教不自強

詩書法律之兼該

蓋寬饒傳以法律為

詩書

選在九官藹臯陶之淑問

劉向傳舜命九官濟濟相讓和之至也

著于

四國偉申伯之成功

詩維中及甫維周之翰四國于蕃四方于宣

華班久列

於西清崇論屢闕于上聽

司馬相如傳崇論宏議佞倖傳公卿皆有闕說注言由之

而納說亦如行者之有闕津

謂練詳於時政庸晉擢於秋卿

唐制秋卿恤刑

事無撓枉

斗為天古之司蓋資出納

江統表漢制五曹今分六尚近喻喉舌遠譬樞

斗杜詩北

獄者人命所繫方睹明清

晉書慕容廆傳獄者人命之所懸也

不可不慎唐書戴胄傳大理少卿缺帝曰大理人命所繫胃清直其人哉即日命胃徐有功傳有功謂所親曰

今身為大理人命所懸必不順旨詭辭以求苟免尚書明清於單辭

益展論思之懷佇登

宥密之任某久欽先達

韓文士之能享大名顯當世者莫不有先達之士負天下之望

者為之前馬

阻造下陳

史記充下陳娛心意漢書外戚傳充下陳於內庭崔駰傳充下館列後陳

身繫一麾喜聽爽鳩之命

左傳爽鳩氏司寇也張鷟奏爽鳩之為司寇務在擇仁

情馳尺札少伸賀燕之誠

郊祀志卿有札書司馬相如傳令尚書給筆札注札未簡

之薄小者時未多用紙故以札書

賀江州王狀元除禮部郎中

晉置江州隋改九江郡即今潯陽澧浦也

北闕疏恩

高帝紀蕭何治未央宮立東闕北闕注未央殿雖南向而上書奏事謁見之徒皆詣北闕

公車司馬亦在北馬是則以北闕為正門也

南宮寓直

王鞏見聞錄禮部郎中掌省中文翰謂之

南宮舍人宋神宗與宰執議更官制至禮部郎中曰此南宮舍人非他曹比可除劉摯杜詩南宮吾故人白馬

金盤

召從州刺史熟知公範之才

舊唐書許孟容字公範少以文詞知名為

濠州刺史無幾德宗知其才徵為禮部員外郎有公主之子請補弘文館諸生孟容舉令式不許公主訴於上

命中使問狀孟容執

用作尚書郎高壓馮唐之老

馮唐傳父

奏竟得遷本曹郎中

老何事為郎注言年已老矣何乃自為郎也荀悅漢紀

馮唐白首屈於郎文選馮都尉皓髮於郎署杜詩老儒

不用尚書郎又

恭惟其官斗間異氣

張華傳初吳之未滅也斗牛之間常

垂白馮唐老

有紫氣及吳平之後紫氣愈明豫章雷煥曰寶劍之氣

上徹於天華曰吾少時有相者言吾年出六十仕登三

事當得寶劍佩之斯言豈效歟因問在何部煥曰在豫

章豐城即補煥豐城令煥到縣掘獄屋基得一石函光

欽定四庫全書

氣非常中有雙劍並刻題一曰龍泉一曰太阿其夕斗
牛間氣不復見焉遣使送一劍與華一留自佩華曰詳

觀劍文乃干將也莫邪何復海內大名隋書柳碩博學希所推許見虞

世基曰海內共推一人非吾儔憲六學統聖真富矣潛

心之業

班固敘傳世宗曄曄思弘祖業成功既抗亦迪斯文憲章六學統一聖真又六學分析是綜是

理儒林傳六學者王教之典籍先聖所以明天道正人

道至治之成法也傳贊言諸六學始自炎漢法言顏子

仲尼挫萬物籠天地超然獨步之文陸機文賦籠天

物於筆端屬興運之半千王荆公集晚陪興運唐房普策惟

大運符其半千趙彥端啟晁董秦書處居儒科之第一

漢廷之第一丘軻正統承克運之半千

杜詩射策君
門期第一

修程方展雅操不移弱水片帆乘風引去

東方千騎奉詔來歸

漢書東方千騎長人古樂府東方千餘騎夫婿居上頭張于湖詩千

騎東方

白玉鑣對揚蠖獲之居

蠖屋郭切獲黃郭切揚雄甘泉賦蠃蚘蝓蠖獲之中張宴曰刻鏤

之形師古曰言其屋之深廣也

進陟馨香之署

杜詩馨香粉署妍以諸郎握蘭含香故云馨香

述禮文於三代之上舍我誰哉掌制誥於百日之間特

其小耳

春明朝退錄禮部郎中百日内須知制誥故王元之與宋給事詩須知百日掌絲綸

某坐

縻邊瑣遠借榮光賢路肇開聽出綸而滋喜

萬石君傳乞骸骨避

賢者路文選在疚妨賢路

朝行負隔分賜筆以無從激此寸悰寓於尺楮

賀張中書知太平州

太平州秦屬鄆郡漢屬江都晉以其地置宣城郡宋改平

南軍又改太平州

祕殿陞華

宋有觀文資政端明三殿學士謂之曰祕殿四朝國史王珪傳英宗召珪至藥珠殿傳詔

令兼端明學士謂之曰祕殿之職非直罷卿於翰墨間二府有缺即出命矣

名藩倚重公卿

多學士孰踰一佛之尊

漢書儒林傳自此以來公卿大夫士更彬彬多文學之士矣食

貨志當是時招尊方正賢良文學之士或至公卿大夫郊祀志招賢良趙綰王成等以文學為公卿

岳牧

用詞人采覺二天之廣

杜詩幽燕通使者岳牧用詞人陳轅啟岳牧用詞人暫煩卧護

霖雨思賢佐行遂登庸

有識相慶不戒自孚恭惟其官北斗舒華

南金擅價

晉薛惠清素有器守少與紀瞻閔鴻顧榮賀循齊名號為五儔張華見而奇之曰皆南金

也陳虞世基與弟世南歸隋孔奐見之歎曰南金之貴屬在斯人杜詩許身愧比雙南金

藝通游夏

仁履顏閔集厥大成

郎顏傳漢中李固通游夏之藝履顏閔之仁

文過屈宋

道出羲黃達於遠用

杜詩先生有道出羲黃先生有文過屈宋

曹教尊主盟

之任

尚書命汝典樂教胄子李嶠表教胄之班

王言資潤色之工

尚書大哉王言唐志

王言之制有七一曰冊書二曰制書三曰敕勞制書四發勅五勅旨六論事勅書七勅牒

故天下皆

翕然師之在朝廷無出其右者忽厭紅藥紫薇之署去

尋丹湖白紵之游

丹陽湖在太平府東南亦名路西湖周三百餘里當塗溧水以湖中為界

李詩湖興元氣連風波浩難止天外賈客歸雲間片帆
起白紵在太平府城東本名楚山晉桓溫攜妓遊山奏
樂好為白紵歌因名晉書樂志晉俳歌云皎皎白緒節
節為雙興音呼緒為紵疑白紵即白緒也今按晉自有
白紵歌其畧云質如輕雲色如銀愛之誰遺贈佳人桓
溫所歌豈即是歟李詩時枉白紵詞放歌丹陽湖王安
石詩白紵衆山頂江湖下紫帶浮雲捲晴明可見九州外

之祿袴襦惠政難淹夫九萬里之程佇用老成徑躋近

輔其側聆制綽喜動心旌當開幕之云初顧奏牋之敢

後齊大非吾耦儻容隣寶之修左傳人各有耦齊大非吾耦也鄒陋不

成邦尚賴餘波之及山谷詩我詩如曹鄒淺陋不成邦公如大國楚吞五湖三江左傳其

波及晉國者君之餘也杜詩
餘波及老身又餘波期救涸

其為悅慕未易數云

賀王檢詳除大理少卿

宋熙寧中詔以編修經武
要畧官四人檢詳樞密院

諸房文字禮遇
視中書檢正官

輟彼樞屬擢置卿聯

周禮太宰以八法
治官府三曰官聯

決千里之勝於

帷幄之中方資婉畫聽五刑之訟於棘木之下克紹前

規寵詔疊放列紳僉允恭惟某官惠和育德明茂凝姿

冠兩京之吏而修飾以儒苞九流之學而遊戲於律功

名自奮如就熟路而駕輕車中外迭更惟遇盤根而別

利器

杜牧行崔瑗制教歷中外

甘棠美於藩輔紅粟富於計臺

貢禹傳太

倉之粟紅腐而不可食杜詩日聞紅粟腐

九陞動懷香之思

賈誼傳陞九級上廉遠地則堂

高應劭漢官儀尚書郎含鷄古香奏事黃門對揖跪受故稱尚書郎懷香握蘭趨走丹墀

一札下追

鋒之召便殿賜對論事天回

武帝紀高園便殿災注凡言便室便坐皆非正大之

處唐制

天子日御前殿朝見羣臣曰常參朔望薦食陵

寢有思慕之感不能臨前殿則御便殿謂之入閣前殿宣政殿便殿紫宸殿立仗於前殿喚仗則自東西閣入故曰入閣張玄素傳太宗欲修洛陽宮左庶子張公素

諫止之魏徵聞之曰張公論事有回天之力文選回大倒日之力劉禹錫李絳文集序龍鱗收怒夫日回照

華貫參陪本兵地重

袁盎傳本兵柄注執兵權之本宋名臣言行錄樞府本兵兵權甚大

又范祖禹言於哲宗曰祖宗制兵之法天下之兵本於樞密有發兵之權而無握兵之重熙寧詔國家以西樞內輔翼贊本兵任為重矣

凍遐衝之坐折煥異數之鼎來

左傳名位不同禮亦

異數月陞金掌而焜耀於羣瞻冰置玉壺而明清乎庶獄

鮑明遠詩直如朱絲繩清如玉壺冰李詩白玉壺水冰壺中見底清杜詩炯然清冰出萬壑置之迎風寒露之玉壺又冰置玉壺

仲孫之世其業既步武之相望

郭躬傳躬

多始見清皎潔字仲孫父弘習小杜律太守冠恂以弘為決曹掾斷獄至三十年用法平躬為廷尉正躬家世掌法務在寬平及典理官決獄斷刑多所矜恕自弘後

曼倩之民不冤

實權與于大用

于定國字曼倩為廷尉民自以為不冤拜相封西平侯爾雅權與始也詩經不

承權與校獵賦

某自惟僕

逖息夫躬傳諸曹以下僕

久

託埏鎔方明府為登仙之行

文選縉紳美其登仙郭泰傳泰博通墳典善談論美

容姿游於洛陽始見河南尹李膺膺大奇之於是名震京師後歸鄉里衣冠諸儒送至河上林宗唯與李膺同舟而濟衆寶望之以為神仙焉唐班景倩自揚州採訪使入為大理少卿路出大梁倪若水為郡守西郊盛設祖席宴罷景倩登舟若水望其行塵謂掾史曰班公是行何異登仙乎為之騶殿良所甘心屬賤子

有校文之役

樓護傳邑居樽下稱賤子上壽鮑昭詩主人且勿喧賤子歌一言應休璉詩避席跪自

陳賤子實空虛杜詩文人試靜聽賤子請具陳王維詩賤子跪自陳可為帳下不西京賦天祿石渠校文之處徐安貞詩校文常近田迄能竣事竣音竣博雅止也又退也國語有司已事而竣徐曰退立也

歸即卧疴

文選卧疴對空林杜詩卧疴遣所便

首屢荆渚之華賤下照泮

林之冷暑

詩翻彼飛鵞集於泮林

凌兢拜賜

揚雄甘泉賦馳閭闔而入凌兢注言寒涼

戰慄之處感激涕流

李商隱啟詞多力殆感激涕繁羅袞啟輝華而賤質增榮感激而雄眸有淚

擬涉筆以自文聽出綸而滋喜賀書不敏雖獨後於衆

人褒字猶新想未忘於故吏

胡廣傳廣與故吏陳蕃陳咸並為三司表紹傳袁氏

故吏遍天下竹林七賢傳王戎故吏多至大官

回江東葉提舉

宋江東路提舉常平司治在池州府

顯對宸綸易持倉節陝以東之疆井屢經彈壓之餘

公

傳自陝而東者周公江而北之藩籬又託照臨之末秦過

論北築長城積有天幸穰侯傳天幸為多矣霍去病傳軍亦有天幸未嘗困絕也信

匪人謀易人謀鬼謀百姓與能恭惟某官世業有傳風流是似王玠

傳風流之義公私所寄文苑傳仲初之文風流可尚殷浩傳風流雅勝聲蓋當時杜詩風流吾賢紹東坡詩自

聞出守風流似詩無聯跗齊穎門萬石以何榮文選聯

曰予小子召公是似聯跗齊穎接萼均芳萬石君傳奮長子建次甲次乙次慶皆以純

行孝謹官至二千石於是景帝曰石君及四子皆二千石人臣尊寵迺舉集其門號奮為萬石君嚴延年傳延

年兄弟五人皆有吏材至大官東海號其母曰萬石嚴

嫗馮勤傳勤曾祖父揚宣帝時為弘農太守有八子皆

二千石趙魏間榮之號曰萬石君唐張文瓘四子潛魏

州刺史沛同州刺史洽衛尉尉卿涉殿
中監父子皆至三品時謂萬石張家舒翹揚英已干能

而莫敵

柳文今之賢者莫不舒翹揚英推類援朋

澆灌以禮義詩書之澤頡

頽乎功名富貴之途上眷方隆外庸疊著颶水鳧之地

愛棠舍之相隣騎竹馬之童喜繡衣之重覩

劉禹錫詩騎竹見新

童劉後村啟騎竹迎細侯固難入小兒之隊尋花訪野老尚能和大尹之詩

奎文寓直

孝經援神

契奎主文章注奎星屈曲相鉤似文章之畫

星傳有華珍海熬波方整四鹽

之令

張融海賦澆沙搆白熬波出素周禮四鹽謂鹽鹽散鹽飴鹽形鹽隋志後周掌鹽掌四鹽政令散鹽

煮海以成之鹽鹽引池以化之形鹽掘地以出飴鹽於戎以取之玉海宋鹽亦有四種一曰末鹽海鹽也其次

顆鹽解州鹽澤及晉絳潞澤所出又次井鹽鑿井取之
又次崖鹽生土崖之間沈存中夢溪筆談鹽之品至多
前史所載夷狄間自有十餘種中國所出亦不減十數
種今公私通行者四種一者末鹽海鹽也河北京東淮
南西浙江南東西荆湖南北福建廣南東西十一路食
之其次顆鹽解鹽澤及晉絳潞澤所出京畿南京京西
陝西河東襄劔等處食之又次井鹽鑿井取之益梓利
夔四路食之又次崖鹽生於土崖之間階成鳳等州食
之唯陝西路鹽有定課歲為錢二百三十萬緡自餘盈
虛不常大約歲入二千餘萬緡惟末鹽歲自抄三百萬
供河北邊糴其他皆財淵峙粟載塵六轡之驅唐書第
五琦傳

給本處經費而已

琦見肅宗彭原奏事曰今之急在兵兵之強弱在賦賦

所出以江淮為淵若假臣一職請悉東南寶貨飛餉幽

洛肅宗用為江淮租庸使遷轉運人不益賦而用以饒

斂散適宜

食貨志民有餘則輕之故人若

敏之以輕民不足則重之故人君散之以重凡輕重敏散之以時則準平職源提舉常平司掌常平義倉免役市易坊場河渡水利之法因民之有無歲之豐凶而敏散賑濟之周必大詩敏散新陳倚繡衣澄清可

俟凡富國裕民之策乃經邦論道之基恐坐席之未溫計贊書之已刻某退慙薄質久借榮光擊柝相聞乎百里之間受廬再出於二天之下逮茲護塞復爾親仁

自聞除目之頌蜀勝舞手之極負弩矢迎使者悵莫預於

前驅

司馬相如傳縣令負弩矢先驅霍光傳河東太守鄧迎負弩矢先驅

修書札問專城

反有勤於下使

文選剖符專城李白詩虎符合專城白居易詩連持使節歷專城

報珍

不辦臨楮尤慙

回運幹許廷評

顯奉詔函榮參漕畫

杜詩慎爾參漕畫

崔評事為入幕之彥雖

少屈於騫騰

韓昌黎有送崔立之評事詩又與崔羣書云足下賢者宜在高位託於幕府則不為

得其所邴超傳桓溫懷不軌欲立霸王之基超為之謀謝安與王坦之嘗詣溫論事溫入超帳中卧聽之風動帳開安笑曰邴生可謂入幕之賓矣杜詩入幕諸彥集李詩入幕推英選柳文假以羽翼偶之騫騰杜詩騫騰訪知已又騫騰坐可致李詩不日思騫騰鄭廣文有同襟之歡復何憂於坎

坷

杜子美贈鄭虔醉時歌時赴鄭老同襟期又德尊一世常越軻韻會越車行不平也軻車接軸也通作坳

珂亦作坎珂文選喟南巢
之坎珂兮注坎珂不平貌
聳聽佩馬敬奏緘魚恭惟某

官鼎鼐名門

白帖鼎絕大謂之鼐國掩上謂之
鼎詩鼐鼎及鼎杜詩調和鼎鼐新

衣冠上

列有文必有武信偉業之可傳

家語有文事者必有武
備說文有文無武無以

威下有武無文民畏不
親文武俱行威德乃成

讀律又讀書即殊科而自奮

張

奏評事不讀律博士不尋章東坡詩
讀書萬卷不讀律致君克舜終無術

軒軒振步籍籍飛

聲挈令明廷方著平星之望

張湯傳受而著讞法廷尉
掌令注挈獄訟之要也書

於讞法挈令以為後式晉志三台南四星曰內平近職
執法平罪之官也天文錄平星主建廷平平天下之獄

事若今廷尉之象故星讚
曰平星執法正乎綱紀 聯華計府肯從惟月之游

高

紀賢士大夫有肯從吾游者

何取名之甚廉信藏器而有待

易君子藏器於

身待時而動

賓筵盡孤趙不妨尊酒以論文

韓詩賓筵盡孤趙導從多衛霍

法從要嚴徐行見介珪之入覲

常袞詩西漢盛嚴徐詩以其介珪入覲於王

某欽誦名德

郎顏傳慕顓名德杜林傳林以名德用

積有歲華久動草蟲

之思

詩嚶嚶草蟲趨趨阜螽未見君子憂心忉忉

忽成玉樹之倚

世說毛何與夏侯玄

共坐時人謂之

五雲灑翰荷惠問之先臨半水談經資

蒹葭倚玉樹

隣光之旁照報箋不敏倒屣是期

魏志王粲傳蔡邕見粲而奇之時邕才學

顯著貴重朝廷常車馬填巷賓客盈坐開粲在門倒屣迎之崔駰傳候見賓憲憲倒屣迎世說王右軍鄒夫人

謂二弟惜鑒曰王家見二謝來傾筐倒履見汝輩來平耳杜詩倒屣喜旋歸劉禹錫詩欲迎先倒屣洪适啟貢贖揺心敢贊典籤之喜捉衿布武莫勤倒屣之迎

賀淮東梁漕

宋淮東轉運司治在真州

顯奉詔恩肅將使指塞上倚金湯之固權方重於計臺

蒯通傳皆為金城湯池注金以喻堅湯以喻沸不可近光武紀贊金湯失墜北齊唐邕守并州或曰并州金城

湯池帝曰非也唐邕是金城湯池杜詩河岳空金湯海濱承繡斧之光禮尤加於

郡學

雋不疑傳為郡文學暴勝之為直指使者請與相見接以禮意澄清二路歡喜一

詞

東坡集傳聞四海歡喜一詞

恭惟某官碩望巍猷環姿蘊藉

薛廣德傳

為人溫雅有醞藉匡張孔馬傳贊其醞藉可也注醞言如醞釀也藉有所薦藉也桓榮傳溫恭有醞藉注醞藉言寬博有餘也裴休傳休為人醞藉進止雍閑繼文昌八座之後綽有遺風在

才子十人之中軒然獨步宗郎暫煩於糾率

漢平帝詔高帝子孫

今十有餘萬人雖有王侯之屬莫能相糾郡國置宗師以糾之

宸旒采結於眷知人皆

歆豔中都之遊

歆音切貪羨也豔歆羨也通作鹽禮記鹽諸利注讀為豔使歆豔也

公

獨勤勞四方之寄熊轡再駕治行久聞於朝廷

景帝紀令長史

二千石車朱兩轡注轡車之蔽也職源雙旌五馬熊伏軾前此太守之儀也魏相傳朝廷已深知弱翁治行方且大用矣驛傳四馳部封幾半於天下

傳張懸反高帝紀乘傳詣洛陽注傳者若

今之驛古者以車謂之傳車

俄聞渙寵故昇將輸

韻會將送也詩百兩將之說文輸委

輸也從車俞聲徐曰以車委輸也

川合東西盡瞻於使節

杜詩川合東西瞻使節

地分南北允藉夫邊籌想出令崇朝之間已著效長

淮之上濡轡而馳原隰熟知王事之勞

詩皇皇者華于彼原隰又王事

靡聽履而上星辰佇復家聲之舊

杜詩輝赫舊家聲

某癖惟好

古鈍不適時鳴絃於積憂之餘濫巾乎思樂之所空坐

縻於歲廩

韓文歲縻廩粟

安得譽於時髦

詩譽髦多士

客有薦雄文

僅置在十科之列

揚雄傳客有薦雄文似相如者成帝詔雄待詔承明之庭宋司馬光請設

十科以舉士十科謂行義純固節操方正智勇兼人公
正聰明經術精通學問該博文章典麗善聽訟善治
財賦練習法令
詳第十二卷 生乃與噲伍猶未離七選之階韓信傳嘗過樊

將軍噲噲趨拜送迎言稱臣大王乃肯臨臣信出門笑
曰生乃與噲等為伍東坡詩失勢今為噲等伍四朝志
文階官之等三十武選官之等五十有六幕職州縣
官之等七散官之等九皆以左右高下分屬四選 忽

有二天之照臨詎令半水之寂寞

揚雄傳惟寂寞自投閣又寂寞為尸

逝

聞新命倍激懦衷雖阻陪弩矢之前驅其敢廢絨膝之

先贊大厦庇寒士豈勝燕賀之私

杜詩安得廣厦千萬間大厦天下寒士俱

願東閣延賢人尚遂鱗攀之願

法言攀龍鱗附鳳翼以揚之勃勃乎其不可

也及

賀廬州丁帥

宋保信軍節度淮西路
安撫制置司俱在廬州

渙敬明指

揚古
作敬

榮建崇牙奪帡幪於婺女之區部封更

閣

爾雅須女謂之婺女於辰在丑越之分野越地星紀
之次牽牛婺女之分野谷永傳日食婺女之分隋唐

置婺州天寶曰東陽郡

包何詩江山婺女分

壯藩垣於廬子之國威令初伸

廬州古廬子國烈王都之春秋時

屬舒戰國時屬楚秦為九江郡

震耀十連驩呼四起

恭惟其官氣塞宇宙

魏文帝典論
美聲塞宇宙

學包古今壯志有行

直欲斬樓蘭之首而懸北闕

傅介子傳平樂監傳介子
持節使誅斬樓蘭王安歸

晉懸之北闕其封介子為義陽侯杜詩樓蘭要斬時上心簡在自應接后夔之武

而供赤墀

唐高宗以雍州司士參軍韋絢為殿中侍御史或疑左遷西臺侍郎上官儀曰此野人語

耳御史供奉赤墀下按武夔龍籙羽駕鷺豈雍州判佐比乎時以為清言梅福傳願陟赤墀之塗說文墀塗地

禮天子赤墀

獨卷經世之才自詭治民之要

京房傳臣出守郡自詭效功注

詭責也自以為憂責也王莽傳自詭期會蕭望之傳所用皆更治民以考功

一麾出守譽望

已高萬里長驅光華益遠半夜動宸旒之想青霄看使

節之回

杜詩漢節野童看

凌厲朝行便蕃睿嫔

左傳便蕃左右亦是率從晉書

外戚傳繾綣恩私便蕃任遇權載之集便蕃清切烜赫光大

謂京師諸夏之根本故

須借月卿之重以保釐

民勞詩注京師者諸夏根本尚書以成周之衆命畢公保釐東

郊高適詩月卿臨幕府

念河東吾郡之股肱又復起雲觀之賢而

鎮撫

李布傳河東吾股肱郡故特召君耳宋宮觀使華州有雲臺觀

屬九重之謀帥

離騷

君之門兮九重左傳晉謀元帥

啟十乘以臨邊

詩元戎十乘以先啟行

內則陞蓬

萊山論撰之華

元萬頃傳武后詔諸儒論撰禁中宋制肇營書殿邃在蓬山維時論撰之聯必

在譽髦之選

外欲為濡須水守禦之備

濡須水在今廬州府巢縣一名天河水俗

呼馬尾溝源出巢湖漢建安中曹操與孫權相拒於濡須月餘權與操書曰春水方生君宜速去操乃還

召公之棠舍遺蔭猶存

說苑召公述職當桑蠶之時不欲變民事故不入邑中舍於甘

棠之下而聽斷焉陝間之人皆訪叔教之芍陂餘波寢

廣

崔寔月令楚相孫叔敖作期思陂即芍陂也按芍陂在鳳陽府壽州乃孫叔敖所築灌田可萬頃通典章

帝建中初王景為廬江太守郡安豐縣有孫叔敖起芍陂先是荒廢景重修之境內豐給晉書食貨志以劉馥為揚州刺史鎮合肥廣屯田修芍陂以溉稻田公私有積宋文帝元嘉七年劉義欣為荊州刺史治壽陽於時境土荒毀義欣隨宜經理邊人不敢縱南下之牧過芍陂良田萬頃由是遂稔論邊人不敢南下而牧天子遂可寬西顧之憂肥口百馬文選馬不敢南牧

萬師想真儒之莫敵

肥水在廬州水出鷄鳴山自安縣流入經壽春縣北又西入淮爾雅

歸異出同曰肥晉謝安破苻堅梁韋叡堰水以灌合肥皆在此法言魯不用真儒故也如用真儒無敵於天下

安得削傳喜傳子玉為將則文公側席而生
及其死也君臣相慶百萬之師不如一賢
潁川二千

石信大拜之可期

黃霸傳制詔御史其以賢良高第揚
州刺史霸為潁州太守秩比二千石

徵為太子太傅遷御史大夫代丙吉為丞相

其濫吹偏州空餐再歲

王文公集積愧

空餐鴻儔鵠侶蚤嘗規英俊之躔

左思蜀都賦鴻儔鵠侶振鷺鸛鵠博物志鴈多

羣而鴻寡侶文選未知英秀之所躔宋制乘槎問漢敢妄意於英躔又英躔逸軌杜詩蚤晚到英躔虎略

龍韜今幸託詩書之府

黃石公三畧謂上中下三計太公六韜謂文韜武韜龍韜虎韜

豹韜夫韜左傳晉謀元帥趙衰曰卻穀可臣亟聞其言矣說禮樂而敦詩書詩書義之府也禮樂德之則也

望行轡之及境

說文轡輕車也詳見第五卷

引賀履以無階淮揚君

薄耶正倚靖綏之效灞上兒戲耳全資容護之恩

周勃傳

者灞上棘門如兒戲耳柳詩細柳開營揖天子始知灞上如嬰孩

謝王樞使舉充監司科

自注代金倅

游君子之鄉已愧坐與之濫

漢書齊置士鄉越有君子鄉後漢書陸烈為吳令行

稱鄉里里人共稱所居曰君子鄉又周景為刺史辟陳蕃為別駕蕃不就景題別駕輿曰陳仲舉坐不復更辟蕃起視職唐制西京展驥道掩題輿右輔憑熊風超露寬

開賢人之閣敢希受榮之

榮

闕雅榮餐也飯也詩適子之館兮還予授子之繁兮

偉鈞造之曲成

莊子偉哉夫造物者

將以予為

煥華褒之下墮

范甯春秋序一字之褒榮於華褒

揆量匪稱

刻著有歸

說文刻鏤也著直畧切麗也黏也

竊以監司之任豈易居

晉太

康初詔曰二十石專治民之重監司清峻於上此經久之體也王國寶傳懦弱非監司體宋史高宗謂執政曰

安民之要無過監司又曰

大臣之薦不輕予觀風問俗

要須求耳目之明

後漢書譙玄為繡衣御史持節與太僕任憚等分行天下觀覽風俗

善舉能是以藉股肱之重然而位高者難接勢遠者多

遺苟時無特達之知則士有阨窮而已如周公之家富

身貴罕能躬吐哺之勞

荀子孔子曰周公其盛矣乎身貴而愈恭家富而愈儉勝敵而

愈戒韓文周公之為輔相其急於見賢也方一食三吐其哺一沐三握其髮

方張綱之年少

官微孰識有埋輪之操

張綱傳順帝漢安元年選遣八使巡行風俗皆耆儒知名多歷

顯位唯綱年少官秩最微餘人受命之部而綱獨埋其車輪於洛陽都亭遂奏梁冀尹不疑無君之心十五事

書御京師震竦慨古風之久寂忽今日之相遭置在選中出於

望外如某者奮由寒窶

窶本作窶音與巨同說文無禮居也徐云階陟升降所以行禮

貧無禮故先見於屋室霍光傳諸生多窶人子

見謂迂疎蓋嘗窺英俊之闕粗

有志事功之會先鞭漫著難驅不武之資

晉書劉琨傳琨少負志氣

好交勝已而頗浮誇與范陽祖逖為友閒逖被用與親故書曰吾枕戈待旦志氣逆黨常恐祖生先吾著鞭其意氣相期若此杜詩先鞭不留滯李詩先著祖生鞭野客叢書前輩用皆鞭二字多引劉琨傳祖逖事按三國

志蜀何祇謂楊浩曰故吏馬不敢駛但明府絜矩自持未著鞭耳世人局於所見推究不廣類如此

恐蹈有過之地

文選保身勅行不敢蹈有過之地

天付與拾青之末第

夏侯勝傳勝為太子太傅每講授謂諸生曰士病不明經術經術苟明其取青紫如俛拾地芥耳青紫卿大夫之服人知為垂白之偏親
杜欽傳誠哀老姊垂白注言白髮下垂也杜詩昭代將垂白又

慰我垂白泣李處全啟念偏親垂暮之年落窮裔非人之境

一官鞅掌以抗塵

詩王

掌注鞅荷也掌捧之也負荷捧持以趨走言促遽也一日鞅掌失容貌詩疏煩勞狀鄭云鞅如馬鞅之鞅掌以手拘物詩補傳鞅掌皆所以拘物謂王事所拘北山移文抗塵容而走俗狀

千里攜扶而逐

食問子路蒲城之政徒有技窮

家語子路治蒲三年孔子入其境曰善哉恭敬

以信矣入其邑曰善哉忠信以寬矣至其庭曰善哉明
察以斷矣荀子梧鼠五技而窮注梧鼠當為鼯鼠五技
謂能飛不能上屋能緣不能窮木能游不能渡谷能穴
不能掩身能走不能先人顏氏家訓多能少善不如執
一鼯鼠五能不成技術野客叢談藝文類聚以鼯鼠編
入鼠門按本草廣雅皆以為螻蛄孔穎達注易晉如碩
鼠引蔡邕勸學編云碩鼠五能不成一技並為螻蛄也
惟魏詩爾雅所謂碩鼠皆謂大鼠亦有五技陸機云今
河東有之然則螻蛄與此鼠皆名碩鼠皆有五技但螻
蛄技窮而此鼠技不窮耳陸農師埤雅謂五技而窮者
為飛生與求王祥海國之功初無治最雖兩地誤鶚書
諸說不同

之交上而長塗窘駕駕之莫前

王陵傳陛下不知其驚
下石奮傳疲駕無以輔

治荀子驥一日而千里
驚馬十乘則亦及之矣

自非有力量之巨賢何以借聲

光於下吏

溫飛卿詩韶光如見借寒谷變風塵

杜陵之依嚴武偶成錦里

之遊

杜審言傳甫棄官客秦州會嚴武節度劔南東西川往依焉武再帥劔南表為參謀檢校工部員外

郎杜詩錦里逢迎有主人

郭隗之見燕昭謬得金臺之貯

杜詩黃金臺貯俊賢

多片辭假寵十日昏驚茲蓋伏遇某官霖雨真賢

尚書若歲

大旱用汝作霖雨

斗樞舊弼

春秋運斗樞斗第一天樞

恢恢乎經體揆元之

業

韓文贊元經體不治細微王文公集經體贊元更誤選賢之舉

凜凜然折衝禦侮之

才

詩子曰有禦侮朝廷知弱翁方入佐中興之運

韻會中陟仲切當也詩序

蒸民尹吉甫美宣王也任賢使能周宣王中興焉左傳序紹開中興宣帝紀贊功光祖宗業垂後嗣可謂中興

德侔殷宗周宣矣漢安帝紀受命中興恢弘神緒杜詩漢運初中興又新數中興年兒童誦君實

胡退從獨樂之遊

東坡詩兒童誦君實走卒知司馬持此欲安歸造物不我捨

益出

處得聖人之時而安危繫天下之望非喬木也世臣之

謂也已具巖瞻有袞衣兮我公其歸兮復觀柄用

詩是以有

袞衣兮無以我公歸兮無使我心悲兮谷永傳永知鳳方見柄用注言任用之授以權也方且霽崇

威而接下

魏相傳丙吉與相書相善其言為霽威嚴

洪雅度以包荒寸能可

錄則為有味之言

鄭當時傳每朝候上間說未嘗不言天下長者其推轂士及官屬丞史誠

有味乎其言常引以為賢於已注有味者其言甚美也楊升庵丹鉛總錄有味其言之正在之字謂常引以為

賢於己之言愚謂有味謂津津然言
之甚甘所謂不啻若自其口出也
匹夫失所則軫若

推之念

韓文古之君子相其君也一夫不獲其所若已
推而納之溝中今有人生七年而學聖人之道

以修其身積二十年不得已一
朝而毀之是亦不獲其所矣
致此輪囷之質

增韻輪
囷屈曲

盤戾貌鄒陽傳蟠
木根抵輪囷離詭

亦歸塊北之工

方言塊北不測也左
思吳都賦地勢塊攢

劉逵曰高下不平貌又無涯際貌賈誼傳大鈞播物塊
攢無垠通作軼軼揚雄甘泉賦軼軼無垠應劭曰其氣

軼軼非有
限劑也

其益當恪謹素修激昂懦志有名列乎八使

固懷竊吹之羞

周舉傳順帝遣八使循行風俗皆選素
有威名者乃拜舉為侍中與侍中杜喬

守光祿大夫周栩前青州刺史馮羨尚書藥巴侍御史
張綱兖州刺史郭遵太尉長史劉班並守光祿大夫分

行天下號

知音況是三公敢廢辦香之祝

韓詩三公盡是知音人曷

不薦賢陛下聖揚雄傳師曠之調鐘竢知音者之在後也文選痛知音之難遇注伯牙善鼓琴而鍾子期善知伯牙琴音鍾子期死伯牙絃絕不復鼓琴痛知音之難遇也

干廟堂

自注代金倅

無介而見大人敢憚掃門之役

高彪傳承服風問從來有年故不待介者而謁

大君子之門高五王傳魏勃少時欲求見齊相曹參家貧無以自道乃常獨蚤掃齊相舍人門外舍人怪之以為物而伺之得勃勃曰願見相君無因故為子掃於是舍人見勃曹參因以為舍人杜詩自愧掃門士誰為乞人薦名而齒下士妄希入閤之榮

韓文曾不得列名薦書齒下士於朝以仰

望天子在瓦器秦人擊之以節歌詩坎其擊之光明輒作缶鳴缶亦作甌史記秦王擊缶溫庭筠啟

持擊缶之凡音嗣操琴之舊事陳子昂啟洪鍾在仰干聽不足論擊缶之音大羹斯烹安可薦藜藿之味

鈞播賈誼傳大鈞播物注今造瓦者謂所轉者為鈞言造化為人亦猶陶之造瓦也凡步武三

階之峻歷書天文志三台為天階泰乙躡以上下一曰泰階上階上星為天子下星為女主中階上星

為諸侯三公下星為卿大夫下階上星為士下星為庶人所以和陰陽而理萬物也互見第六卷

闌四海之英說文闌門遮也杜詩門闌蘇生在又門闌誰送歸元微之詩甲第門闌大拔茅

咸樂於彙征易經拔茅茹采菲無嫌於下體詩采葍采以其彙征吉

周公旦為親叔父猶禮夫白屋之賢文選王曰叔父親莫昵焉韓文

周公以聖人之才憑叔父之親蕭望之傳恐非周公致白屋之意說苑周公下白屋七十人而天下之士皆至

高彪傳垂接白屋

谷子雲遇大將軍乃擢自皂衣之吏

谷永傳永字子

雲永奏書謝王鳳曰永斗筭之材質薄學朽無一日之雅左右之介將軍說其狂言擢之皂衣之吏廁之爭臣

之末

片言苟善或攜之堂上匹夫未澤如納之溝中蓋將

持衆美而效之君是以思多士之生此國

詩思皇多士生此王國

在朝廷用旁招之道

尚書旁招俊人啟迪後人

宜山林無長往之人

王貢兩龔鮑傳贊山林之士往而不能反朝廷之士入而不能出後漢書隱逸傳贊江海冥滅山林長往

伏

念其朴魯不文支離何德

韻會支離自異之意莊子支離其形者猶足以寄其身終

其天年況支離其德乎

釐鹽牢落粗聞虞學之典謨

文選翩綿連以牢落兮又

牢落凌厲三禮義宗虞氏之學名庠庠養也所以養國之子弟使成雋德

文字扶疎繆綴漢

廷之科甲

揚雄傳作太玄五千文枝葉扶疎儒林傳歲課甲科四十人為郎中乙科二十人為太子

舍人丙科四十人補文學掌故云何武傳以射策甲科為郎揚雄傳策非甲科行非孝廉文選總禮官之甲科足不蹈有過之地名未掛通人之門

文選道不挂於通人聲未達於雲閣

鄭玄傳在位通人處逸大儒又未以通人許之通人謂通達古今也

念無地以歸耕徒將母

而逐食

詩王事靡盬不遑將母

三霜蒲邑初非健令之才

李太白集想迹

於此至移三霜馬杜詩三霜楚戶砧馮魴傳魴遷邳令邳賊延哀攻縣魴率吏士力戰城陷乃去光武稱之曰

此健令也後蜀趙匡遠開元中為咸池令時兩川
連衡盜賊尤甚匡遠所在擒捕當時號為健令
十暑

淮邦安有康沂之詠

杜詩十暑岷山葛

惟知精一意以效撫摩

之力窮五技而為裨贊之功外臺交剡以上聞

漢以謁者為外

臺宋以監司為外臺謝夷吾傳第五
倫薦夷吾曰尋功簡能為外臺之表

舊弼半言而引重

朱博傳欺謾半言灌夫傳兩人相為引重

或錄於荒政之局或列在監司之

科皆出於特達之知初不以請求而得方薦賢之弊極

亦當路者厭聞競俗爭馳未免濫竽而並進

文選悠悠風塵皆奔

競之士

正臣在上孰云藻鏡之能逃

柳文藻鏡洞開秋毫在照薛安國傳清水

明鏡不可
以形逃

舍此不言是為自棄

楊敞傳敞不言故不得
侯李嶠上高長史書昔

時薑桂蚤因得地而生今
茲桃李讎以無言受棄

恭惟某官聖人之耦儒者所

宗

師丹傳丹經
為世儒宗

淵淵造六學之醇堂堂秉三代之直棟

幹隆而任重經緯遠而用周有一德享天心首正阿衡

之任

尚書惟尹躬暨湯咸
有一德克享天心

總衆職稱上意中扶炎祚之

興

魏相傳宣帝練羣臣核名實而相總領衆職甚
稱上意贊孝宣中興丙魏有聲文選炎祚中微

壓多

難之衝而安若泰山

辛慶忌傳賢人立朝折衝壓難勝
於無形注壓抑也未有禍難之形

豫勝之也劉琨傳折衝壓難惟存戰
勝之將除暴討亂必須知畧之臣

起殊隣之畏而隱

如敵國

長楊賦遐方疏俗殊隣絕黨之域李詩高價動殊隣權德輿詩殊隣覆露同吳漢傳諸將見戰

陣不利多惶懼失常漢意氣自若帝時遣人觀大司馬何為歸言方修戰具乃歎曰吳公差強人意隱若一敵

國威弧潛曜

史記天苑東有大星曰天狼下有四星曰弧合誠圖曰弧主司弓矢象晉書天文志

弧九星在狼東南天弓也主備賊盜常向於狼弧矢動移不如常者多盜賊胡兵大起狼弧張害及胡天下大

亂後漢書文苑傳親發狼弧文選鸞威和燭宣輝爾雅

和燭宣輝

爾雅

和謂之玉燭既能轉乾坤於掌握之間

文選國綱天將見清憲置諸掌握

河洛於笑談之頃

杜詩長驅河洛昏李詩談笑靜胡沙

大收偉績永輔熙

圖方將持謙柄以下賢

鄭處誨行鄭薰制操守必修其謙柄進退常踐於德藩文選勞

謙得其柄和
光良獨難

張禮羅而拔士公平一念貴賤兩忘溺由

已溺飢由已飢存吾心於不忍老及人老幼及人幼錫

爾類以惟均

詩孝子不匱
永錫爾類

故令極陋之蹤亦有曲成之

望願留衡聽母使陸沈

東方朔傳陸沉於俗避世金馬
門莊子是陸沉者也注人中隱

者譬如無水而沉也文選陸沉之羽與翔鴻撫翼又違
世陸沉避地獨竄又道勝貴陸沉杜詩忘機陸自沉

探驪龍頷而取明珠輒敢犯重淵之險

莊子河上有家
貧恃緯蕭而食

者其子沒於淵得千金之珠其父謂其子曰取石來鍛
之夫千金之珠必在九重之淵而驪龍頷下子能得珠
者必遭其腫也使驪龍
而寤子尚奚珠之求哉
市駿馬骨而招絕足庶幾輕干

里而來

史記郭隗謂燕昭王曰古人有以千金使涓人求千里馬馬已死買其骨五百金而反王大怒

涓人曰死馬且買況生者乎馬今至矣不期年而千里馬至者三今王欲致士先從隗始況賢於隗者豈遠千里哉孔融與盛孝章書燕君市駿馬之骨非欲騁道路乃當以招絕足也李詩攬涕黃金臺呼天哭昭王無人貴駿骨騷耳空騰驤

賀費尚書

渙號揚庭

易揚於王庭乎號有厲

春官正位

周禮乃立春官使率其屬而掌邦禮

有

能典禮久勤夙夜之論思

尚書有能典朕三禮夙夜惟寅

稱職為真增

煥星辰之步武一頌除目四達惟聲恭惟某官學統聖

真文窺天巧

莊子其學無所不窺
韓詩文字窺天巧

堂堂間氣偉岷山巴

水之所鍾

玉堂遺範天毓間氣時推上材楊舉行韓建
制星緯炳靈山河間氣楊巨源詩間氣登三

事又廟謨膺間氣劉長卿詩間氣生真宰又大才生間
氣蜀都賦岷山之精上為井絡三巴記闔水東南流三

折如巴字故曰三巴鮮于侁詩三川會合遠城下巴
字體勢何盤盤却疑天工勅水帝戲寫鳥跡傾波瀾卓

卓奇才陋東箭南金而不數

文選卓卓若人爾雅東南
之美者有會稽之竹箭焉

南方之美者有華山之金石焉晉書顧衆虞潭贊顧實
南金虞惟東箭吳志虞翻會稽人以所注易示孔融答

曰昔延陵之禮樂與吾子之治易乃知東南之美非獨
會稽之竹箭也駱賓王啟片善必甄揖虞翻於東箭一

言可紀許願談經而冠華選

伏恭傳太常試
經第一拜博士奉詔而寘

周行

詩嗟我懷人寘彼周行左傳王及公侯伯子男甸采衛人夫各居其列所謂周行也新唐書倪若水

勅奏祝欽明亂常改作希旨病君人之不才遂至於此請從黜放以肅周行杜詩周行獨坐榮韓詩當今賢俊

皆周

以忠嘉之言開廣上聰以正大之道發明後覺

闡批敕勇可回天

元后傳赤墀青瑣注刻為連瑣文而青塗也衛宏漢儀黃門屬黃門令日

暮入對向青瑣闌拜名曰夕郎兩雅宮中門謂之闌沈佺期詩東曹拜瑣闌又籍向瑣闌通王維詩夕奉天書

斤瑣闌唐書李藩遷給事中勅有不可遂於黃紙批之吏曰宜別連白紙藩曰別連白紙是文狀豈曰批勅耶

羅隱詩左省曾批勅東坡詩平生批勅手淡墨寫黃紙

銓部掄材清如水

韻會掄擇

也周禮凡邦工入山林掄材而不禁莊子人不鑑於流水而鑑於止水蘇頌行裴耀卿制唯才是舉方憑止水

明結九重之異眷疊四組於華塗宗伯之諧萬民居然

試可

周禮乃立春官宗伯又三曰禮典以和邦國以統百官以諧萬民

文昌之列八座

咸以為宜俄驚綸綍之頒大愜紳縷之望雅猷宏闡熙

典彌新見此漢官之威儀初未多於綿蕤

光武紀三輔吏士東迎更

始見諸將過皆冠幘而服婦人衣莫不笑之及見司隸僚屬皆歡喜不自勝老吏或垂泣曰不圖今日復見漢

官威儀蕤祖悅切說文朝會束茅表位曰蕤引春秋國語茅蕤表坐如淳曰以茅剪樹為纂位尊卑之次叔孫

通傳為綿蕤野外習之注立竹及茅索營之習禮儀其中師古曰義與蕤同

文以周公之制

作尚克正於鈞衡某嘗側朝

杜詩官曹可接聯

適縻吏鞅聽

鵲傳之吉語

唐趙璘因話錄孔溫裕貶郴州司馬久之得堂兄溫業書報云憲府欲用汝作御史

又云宰相以右史處之皆無音耗一曰有鵲喜於庭直若語狀孩稚拜且祝云願蚤得官鵲既飛去墜下方寸紙有補闕二字無幾却除此官宋學士院有雙鵲常棲於海棠上或鳴噪必有大詔令或宣召之事因謂之靈鵲杜詩浪傳鳥鵲喜元稹詩鵲報語諂諂皮日休喜鵲詩喜語晴花裏六一居士集日暖風輕言語軟應將喜報主人知陳湯傳不出五日當有吉語聞柳文奚虜聞吉語矣韓詩哀情逢吉語韋承矩詩蓬巷幾時聞吉語薛逢詩吉語動螽躍之私情說文螽蝗也文選云云海外傳動螽躍之私情草蟲鳴則阜螽躍近如社稷之臣裁加潤色

汲黯傳古有社稷之臣至如汲黯近之矣遠而原隰之使

預有光華

又賀費尚書

明廷孚令常伯升班

唐百官志龍朔元年改尚書為太常伯

時禮文之闕

猶多聊煩共治

南齊書孔過為尚書儀曹郎屢箴闕禮多見信納上謂王儉曰孔過真所謂儀

曹也今儒者之效已試宜即真除國有正人士無異論恭

惟其官賦才宏瞻履德清方惟卓爾而不羣

景十三王傳贊夫惟

大雅卓爾不羣

故褒然而為首

褒去聲音袖董仲舒傳子大夫褒然為舉皆注褒然盛服貌詩

褒如一

鄉雋譽與雪山雲峽以爭雄

雪山在威州保寧縣西南積雪不消

杜詩公來雪山重公去雪山輕雲峽即三峽

萬里脩程

望金馬石渠而平步

公孫弘傳待詔金馬門注武帝時相馬者東門京作銅馬法獻之立

馬於魯班門外更名魯班門為金馬門施讐傳與五經諸儒雜論同異於石渠閣蔡邕傳孝宣會諸儒於石渠章帝集學士於白虎唐藝文志漢興學校復創石渠雄向校讐於前馬鄭論次於後西都賦天祿石渠典籍之府葛鑿反遂初賦考天文於蘭閣覽羣言於石渠三輔故事石渠閣在未央殿北以藏秘書者其下礮石為渠以導水故名白居

易詩平步取公卿

左右書其言動朝夕罄乎論思直哉

批勃之風公矣掄才之鑒能讀倚相之八索

左傳楚子與令尹子

革語左史倚相趨過王曰是良史也子善視之是能讀三墳五典八索九丘楊升庵云九丘即九州也八索即八澤也見淮南子互見第四卷周益公啟徧觀流畧豈徒窮八索九丘之淵源洞察幾微固已熟六狄五戎之

利勒成太史之一家

司馬遷傳究天人之際通古今之變成一家之言敘傳錯綜羣書古

今是經勒成一
家大畧孔明

凡數器以身而兼之

薛宣傳經術文雅足以謀王體斷國

論身兼數器有
退食自公之節

宜諸公可跂而及者吾從先進具知宗

伯之能何以假為就正文昌之任

史記韓信傳大丈夫定諸侯即為真王耳

何以
假為

蓋將蒐舉百王之墜典發揚三代之餘風黼黻太

平肅清羣慝曳尚書之履已素熟於帝聰秉師尹之鈞

將益昌乎相業

詩尹氏太師維周之祗秉國之鈞四方是維

某久依崇祀喜

聽嘉音想野外綿絕之儀斯文有賴旅門下高冠之士

厥路無繇蹈抃惟深染濡奚既

又賀費尚書

日觀疏恩春卿正位三禮之能已試復何讓於夔龍

尚書

有能典朕三禮又伯拜稽首讓於夔龍

八座之職為真信無慙於元愷

謝靈

運晉書古者重武事貴射御取其捷御如僕各置一人尚書六人謂之八座參攝百揆出納王命古元愷之任

也師虞允穆

尚書出入爾師虞

儒效加多恭惟某官貫穿九流

貫音冠穿也易貫魚以宮人寵說文穿通也從牙在穴中司馬遷傳貫穿經傳馳騁古今唐詩貫穿學問骨洪

适啟古學貫穿時名暴白

標準百世岷精垂東井之曜鍾此奇才

文選

江賦岷精岳曜於東井地理志秦地於天魁星應北斗
官東井與鬼之分野也南有巴蜀廣漢

之樞冠乎華選仁義之塗肩丘而袂旦

司馬相如傳游衍乎六藝之圃

馳驚乎仁義之塗韓文行之乎仁義之

篇章之圃超馬

而躡劉

吳質答魏太子賡優游典籍之場休息篇章之圃晉書陸機文辭深而雅義博而顯故足遠超

枚馬高躡王劉百介珪來朝鳴珂入侍對君直二史之

筆拔八公一字之題

晉書蘇謨傳父克素有雅量克未仕時河內山簡嘗與瑯琊王衍書

曰蔡子尼今之正人衍以書示衆曰山子以一字拔人然未必可稱

朝說金華之書

班固敬傳

時上方嚮學鄭寬張禹朝夕入說尚書

論語於金華殿中注金華殿在未央宮夕批青瑣之詔

便蕃寵數凌厲周行容臺觀藻色之新久厘管攝

史記索隱

商容商家禮樂之官知禮容所以禮署稱容臺淮南子夏桀之時容臺振而掩覆注行禮容之臺

禁路

聽履聲之舊益峻班聯且繼商周者損益可知歷漢唐

則廢興靡定故賈誼舒向皆為之發憤

漢書禮樂志大漢繼周久曠大

儀未有立禮成樂此賈誼仲舒王吉劉向之徒所為發憤而增歎也後漢書傳論漢初天下創定朝制無文叔

孫通頗採經禮參酌秦法雖適物觀時有救崩敝然先王之容典益多闕矣是以賈誼仲舒王吉劉向之徒懷

憤歎息所雖魏徵房杜未免於有慙

唐書禮樂志太宗時中書令房玄齡

秘書監魏徵與禮官學士等因隋之禮增之為貞觀禮可謂盛矣而不能至於三代之隆者具其文而意不在

焉

今資鴻碩之討論

校獵賦鴻生鉅儒文選三事九司宏儒碩才

乃備燕閒

之顧問佇蒐曠典增賁昌辰移斟酌元氣之工

漢書北斗天子

喉舌斟酌元氣運乎四時尚書出納王命賦政四海所謂制氣之臣也李嶠上高長史書撫八翼而登泰階提

七星而酌元氣

居垓北大鈞之任某棲棲冷舍落落窮途

文選窮途

悔短計杜詩窮途愧知己

曾未埽先生之門遽蒙推長者之轂逖聞

顯拜倍激懦衷斯文抑何幸與此生亦不孤矣刺六經

作王制允藉洽聞

漢郊祀志博士諸生刺六經中作王制注刺取之也劉向傳博物洽聞

徵諸生起朝儀終歸汲引

叔孫通傳通之降漢從弟子百餘人然無所進專言諸故

羣盜壯士進之弟子皆曰市先生數年幸得從降漢今不進臣等專言大猾何也通乃謂曰漢王方蒙矢石爭天下諸生寧能鬪乎故先言斬將奪旗之士諸生且待我我不忘矣及與諸生共起朝儀拜為奉常因進曰諸弟子儒生隨臣久矣與共為儀願陛下官之高帝悉以為郎諸生乃喜曰叔孫生聖人知當世務李翺集汲引之惠如其為閭懌司馬相如傳昆蟲閭懌注閭懌皆悅也未易數云

賀顏直院

渙敷龍檢晉直鰲扉

韻會鰲海中天鰲作鰲非李衛公詩畫壁看飛鶴仙圖見巨鰲注內

署垣壁北畫松鶴西畫海中曲龍山筆談宋白賈黃中皆先達鉅儒同在鰲禁

百日掌綸方播

南宮之詠九天落筆果參內相之游

杜詩觀我落筆中書堂稽古

所蒙有識相慶恭惟某官器度凝重才質疏明校藝最

優出太學三萬人以上

儒林傳順宗感張黼之言乃更修黻宇凡所造千八百五十室

自是游學增多至三萬餘生

紬書益富居瀛洲十八士之先凜特操

之不回樂外庸之自詭襍被而去則五袴之謠起

襍音伏或

作幘晉書魏舒傳舒遷浚儀入為尚書郎時言沙汰郎官非其才者罷之舒曰吾即其人也襍被而出同寮素

無清論者咸有愧色談者稱之韓文襍被入直

攬轡而行則萬庾之謀登

文選位登

萬庾積

宵衣動前席之思星駕促介圭之覲

詩星言風駕

坐粉

闡而典瑞既推鴻碩之才

白樂天詩文昌新入有光輝紫界宮牆白粉闌蓋尚書省

皆以粉塗壁畫古賢列士曰畫省亦曰粉省唐百官志
禮部郎中員外郎掌圖書祥瑞景星慶雲為大瑞其名
物六十四白猿亦虎為上瑞其名稱物三十八蒼鳥赤鴈
為中瑞其名稱物三十有二嘉禾芝草木連理為下瑞其
名物十二又周禮大宗伯之屬有典瑞
中士二人令狐楚詩開箱何處送新圖
登玉署以摘詞

仍奉燕閒之問便蕃帝渥從史儒流

從史亦作慇懃方
言南楚凡已不欲

喜怒而旁人說者謂之慇懃亦作縱史衡山王傳日夜
縱史如淳曰縱才勇切史讀作勇師古曰獎勸也文選
鬱從史將以高文大冊鼓羣動之情西京雜記軍旅之
而未揚

際戎馬之間飛書

馳檄用枚舉廟堂之上朝必有崇論宏議沃四聰之聽

宏音宏說文谷中嚮司馬相如傳必持崇論宏議創業
垂統為萬世規揚雄傳大閤言崇議幽微之途蓋難與

覽者同也能引君於當道信為國之有人頗牧在吾禁中隱

然輿望

畢誠傳誠入翰林為學士党項擾河西宣宗召訪邊事誠援質古今條破羌狀甚悉帝悅曰不

意頗牧在吾禁中宋李迪為學士真宗問陝西兵幾何對曰臣向在本道以小冊書兵馬糧草之數以備調發今猶在佩囊中帝令探取之曰不意頗牧在吾禁中徐湘啟將謀邊事稱頗牧於禁中豈止文書繼陸吳於庭內邵博傳中禁自得頗牧當饋不忘蕭曹洪迄啟壯猷經武定堂下之孫吳妙畧緯文得禁中之頗牧周

召相於王右由此階升某邊部有行下陳莫旅編之詩

書而無愧爭覩雲章

韓文編之乎詩書之策而無愧措之乎天地之間而無虧詩俾彼雲

漢為章於天

送以禮樂而有光正資波潤

詩序皇皇者華君遣使臣也送之以

禮樂言遠而有光華也

其為開懌罔既輸陳

又賀顏郎中兼直院

龍光錫命

詩為龍為光又何天之龍鄭注讀作寵榮名之謂

鰲直登賢獨誦儀

曹之書學豈專於一藝

南史梁武帝問僕射徐勉求一有學藝解朝儀者為尚書儀曹

郎勉曰孔休源識見清通詳練故事自晉宋起居注誦畧上口即日除尚書儀曹郎每議建訪前事休源即以所誦記隨機決斷曾無疑滯吏部任昉謂之孔獨誦

兼綰翰林之誥文酷似乎六

經

杜詩紫誥仍兼紹黃麻似六經

朝論穆清儒林震耀恭惟某官識涵

今古聲塞天淵

楚詞聲盈塞乎天淵

極高明之性而蹈乎中稟剛

大之氣而養以直為梁辟雍之海久矣上游

詩造舟為梁班固辟

雍詩迺流辟雍辟雍湯湯聖主蒞止造舟為梁西都賦

辟雍海流道德之富三輔黃圖辟雍水四周於外象四海也桓彛傳豁

鼓枻蓬萊之池翩然捷出

枻音曳棹也一曰拖楚詞

鼓枻而去漢書建章宮北太液池中

人皆期之以不次

之用

袁盎傳待以不次之位明帝紀僕從射隸皆受不次之位荀子賢能不待次而舉曲阜行工官均制

俎豆之議著為典常賡奏之文傳為口實公獨凜然有

難進之風

韓詩致君宜無術自進誠應難

忽辭瑞錦之窩

春明朝退錄禮部員外郎

為瑞錦窩李昉詩衣慈御香拖瑞錦鄭谷詩錦帳名郎重錦窩余日華詩儀曹之號錦窩賡奏是掌容臺之起

綿絕禮樂攸司

暫偃凝香之寢

偃偃息也詩或息偃在牀韋應物詩燕寢凝清香

豈有

第一流之清望

白居易行賈鍊中書舍人制非第一流不在其位

乃令閱四載

以外居趣駟駟之轡以勞還

詩序四牡所以勞使臣之來

排虎豹之

關而直上

離騷虎豹九關今害下人些

攄陳益壯眷獎甚濃有郎位

於積星之間亦云舊矣知制誥於百日之內尚竊遲之

想湧泉之思如傾

蘇頌傳玄宗平內難書詔填委獨題在太極後閣口所占授功狀百緒輕

重無差史白曰馬公徐之不然手脫腕矣李嶠曰舍人思若湧泉吾所不及文選文若春華思若湧泉藝文類

聚沉思泉涌

驚燦花之詞立就

天寶遺事李白說論皆成句讀如春葩麗藻繁

華藻雲浮

乎齒牙時號
燦花之論

遵上志於四方萬里之遠感士心於一札

十行之間非有軼材孰當華選豈惟文章追兩都之舊

抑欲禮樂還三代之醇大宗伯之討論仍資婉畫

杜詩
春官

驗討

真學士之除拜佇錫贊書某學校閒官門牆故吏

自視溝中之斷曾蒙堂下之攜喜聆嘉音頓起懦志仁

人念舊忍令席蓐之棄捐

晉文公至河令席蓐捐之答
犯哭曰席蓐所以卧也見君


棄之臣
不勝哀

下客希榮但把衣冠而拂拭

王吉與貢禹為友
吉為益州刺史貢

聞之拭
冠以待

其為慶抃罔既言宣



橘山四六卷三